



सानसेयारि "बड'सा" खरीरालाइयाव
स्मान्ज्यादि जिज्जो लोब्बा थानाय रायथाय, खन्थाय,
सल', सल'बाथा आरु दावबायादि थावनि, पार्क
बाइदिनि स्यायव लिहनाय लिहबिबां वैशाय डर/
सानसेयारि "बड'सा" खरीरालाइया खेबखानावै
फोखावगोब।
बड'सायाव लिहहरनायनि हुबा खालाम,
"बड'सा" खरी नोथी, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 28 February, 2024 Kokrajhar, BTC, Assam ★ Vol.-33, Issue No.329 ★ R.N.I. Regd.No.40994/91, Assam Govt. Regd.No.IPRD.40/2006/3, ★ Rs.8/-

गहपुर आरु माजुलिआव ह्य पाट्ट गथायनायनि मेल खुंदो राइजो-राजाफोरा जायखि-जाया जेना-जेसिजो मोगा-मोगि जानाडै नि थाखाय आथिखालनि राइज्यो सरकारआ गोखोडै नाजादो: गिबि मन्थि

दिसपुर, 27 फेब्रुवारी:
बिस्वनाथ जिल्लानि सिडव
थानाय गहपुरनि ककिला
सारियालियाव थानाय दुबिया
गोजौसिन गेजेरारि फोथाराव
मिसन बसुन्धरा 2.0 नि सिडव
सा 17,072 सुबुंफोरनो
फरायसालिनि गेलेग्रा हानि पाट्ट
गथायनायखौ लोब्बा लानाने
खुंनय मेलयाव आसामनि
गिबि मन्थि उ हिमन्त बिशव
शर्माआ दिने बाहागो लाफेयो।
गिबि मन्थिआ दिने दैमा द्विप
माजुलियावबो हानि पाट्ट
गथायनायनि गुबुन मोनसे
हाबाफारियावबो बाहागो लायो।
गहपुराव खुंनय मेलाव गिबि
मन्थिआ बुंदोदि, थानाय माखासे
साननाडै राइज्यो सरकारआ
मिसन बसुन्धरा 2.0 नि सिडव

सरकारनि बिथांखिफोरा गासैबो थाखोनि राइजो-राजाफोरनि जाफुंनयखौ जागायजेनबाय



सुलाम्फा मोन्नाय सरासनस्रा
सुबुंफोरनिमिसन हाबाफारि
बायदिये पाट्ट गथायनाने
होबोदो। गिबि मन्थिआ
बुंबावदोदि, गहपुर बियाबनि
खावसे अन्जिमानि सुबुंफोरा
हानि पाट्ट गैयामोन। राइज्यो
सरकार बिसोर सुबुंफोरनो पाट्ट
गथायनायनि राहा खालामनायव
आथिखालनिफाय बिसोरो
गाव-गावसोरनि हानि सायाव
मोन्थाय मोन्तो हासिगोन। बेनि
अनायैबो, गाहाइ मन्थि कृषक
सन्मान निधीजो लोगोसे गुबुन
गुबुन खाबुफोरखोबो बिसोरो
आथिखालनिफाय मोन्तो
हासिगोन। बसुन्धरा 2.0 नि
सिडव 2 लाख 53 रोजा
सुबुंफोरनो हानि पाट्ट
(□ 5 बिलाइआव)

बिटिआरयाव मुलुग गोजोननि थाखाय महा यज्ञ खुंगोन



कक्राझार, 27 फेब्रुवारी: फेगौ 29 फेब्रुवारीआव
मुलुग गोजोननि थाखाय बिटिसि सदर कक्राझारनि
गीन फिल्डआव मोनसे महा यज्ञ खुंनय जागोन।
ब्रह्म धोरोम क-अडिनेसन आफादनि बान्जायनायाव
सानसेनि हाबाफारिजो खुंनो गोनां बे महा यज्ञ
हाबाफारियाव गाहाइ आलासि महेर आसामनि गिबि
मन्थि उ हिमन्त बिशव शर्माआ बाहागो लाफेगोन।
दासान्दि कक्राझारआव बे महा यज्ञखौ मोजाडै
खुंनो थाखाय बान्जाय आफादआ साखा-फारा
खालामगासिनो। दिने मोनसे खौरंगिरि मेलनि
गेजेरजो ब्रह्म धोरोम क-अडिनेसन आफादनि
आफादगिरि उ अजित बर'आ फोस्मायोदि, मुलुग
गोजोननि थाखाय खुंनो गोनां महा यज्ञआव मोन
25 यज्ञ कुन्डनि राहा खालामनायजो लोगोसे सा
122 पुरहितफोरा फुनि 5 रिगानिफ्राय यज्ञखौ
जागायजेनगोन। लोगोसे 29 फेब्रुवारीखालि फुनि
5 रिगानिफ्राय (□ 5 बिलाइआव)

राइज्यो बेंगिरिआ मरिगाव जिल्लायाव सरकारि बिथांखिफोर मावफुंनयखौ नायगिदिहैदो

गुवहाटी, 27 फेब्रुवारी: आसामनि राइज्यो बेंगिरि
गुलाव चान्द काटारियाआ दिने मरिगाव जिल्ला
दावबायहैदो। मरिगाव जिल्ला दावबायहैनाने राइज्यो
बेंगिरिआ जिल्लायाव गुबुन गुबुन सरकारि
बिथांखिफोर मावफुंनयनि सोमोन्दे खौरं लानायजो
लोगोसे नायगिदिहैयो। सरकारि बिथांखिफोर
मावफुंनय आयदाखो लानाने राइज्यो बेंगिरि
काटारियाआ जिल्ला बेंगिरि मावखुलिनि सावराय
न'ब्लांआव गुबुन गुबुन बिफाननि गाहाइ बिफानगिरि
आरो जिल्ला बेंगिरिजो गुवारै सावरायज्जलायो।
लोगोसे मरिगाव जिल्लानि आइन आरो आबुधि
थासारिनि सायावबो राइज्यो बेंगिरिआ एसपि आरो
रैखाथि बिफाननि मावख'गिरिफोरजो
सावरायज्जलायदो। जिल्ला खुंथाइ आरो गाहाइ
बिफानगिरिफोरजो मेल जथुमनाय समआव राइज्यो
बेंगिरिआ जिल्लायाव गुबुन गुबुन मिरु आरो राइज्यो
सरकारि (□ 5 बिलाइआव)



2024 लकसभा बिसायख 'थिनि थाखाय विजेपि दोलोनि साखा-फारा मोन 370 नि बांसिन मासियाव देरहानायनि मिजिंथि लादो

गोदान दिल्ली, 27 फेब्रुवारी:
2024 लकसभा खुंजानो गेजेराव दान
मोनसेल' सम दसे। बे हिसाबे गुबुन
गुबुन राजखान्थि दोलोफोरा दासान्दि
दुलाराय हादतनाडै लकसभा
बिसायख 'थिनि थाखाय धाग-थियारि
जानाय आरो बायदि बायदि मेल एबा
बिसायख 'थि फोसावदि हाबाफारि

लानायखौ नुनो मोन्दो। बबेखानि मिरु
खुंथाइनि गोहोआव थानाय भारतीय
जनता पार्टी राजखान्थि दोलोआ बे
खेबनि लकसभा बिसायख 'थियाव
फिन बांसनखो मासि लानाने सरकार
दाफिनो आरो नरेन्द्र मदिखौ फिन
हादतनि गाहाइ मन्थि महेरै
(□ 5 बिलाइआव)

लाइमोन समाजखौ भट थुहोनायनि थाखाय थुलुंगाखां होनो लकसभा बिसायख 'थिनि सिगां गोदान केम्पेइन खालामदो

गुवाहाटी, 27 फेब्रुवारी: भारतआव फेगौ लकसभा बिसायख 'थि एबा सरासनस्रा
बिसायख 'थिया खुंजानो माखासे सानल' आद्रा दसे। अक्ट-समफारिलाइ फोसावनाय
जायाखैबलाबो आथिखालनिफ्राय राजखान्थियारि दोलोफोरा गाव-गावसोरनि
फोसावदिनायाव आंखारबाय। गुबुन फारसे लाइमोन समाजखौ भट थुनायनि फारसे
गोसो गुं, थुलुंगाखांहोनायनि थाखाय मिरु सरकारआ माखासे फोसावदिनाय
हाबाफारिखौ जागायजेनबाय। आथिखालाव गाहाइ मन्थि नरेन्द्र मदिआ मोनसे
मख'जाथाव 'मन की बाद' हाबाफारियाव (□ 5 बिलाइआव)

बाथो मन्दिर-नाम न'आव सिखावनि उतखार

कलाइगाव, 27 फेब्रुवारी:
उदालगुरि जिल्लानि सिडव
थानाय कलाइगाव आरो खाथि-
खाला ओन्सोलाव सानफा-
एफा सिखावनि उतखार बांनो
हमदो। मख'नो गोनांदि मन्दिर,
बाथो थानसालि आरो नाम
न'फोरखौ थांखिदो सिखावनि
मोनसे हान्जाया। बे सिखावनि
हान्जाया थानाय 26 फेब्रुवारीनि
हरव कलाइगाव पुलिस थानानि
सिडव थानाय नाप्तिपाराआव
हरसेयावबो गने बाथो थानसालि
आरो गंसे नाम न'निफ्राय दान
होप्रा बाकसुखौ बुफायनाने रंजो
लोगोसे फुजा होप्रा मुवा-
(□ 5 बिलाइआव)

बारग' आदिवासि कब्रा मिलितारि अन्साय आफादनि सरासनस्रा मेल खुंदो

गसाइगाव, 27 फेब्रुवारी: कक्राझार
जिल्लानि गसाइगाव महकुमानि
सिडव थानाय हारापुता फोनांजाब
भाइरिगुरि सन्दबना मन्दबयाव दिने
बारग' आदिवासि कब्रा मिलितारिनि
अन्साय आफादनि बान्जायनायाव
मावफारियाफोरनि जिउ खुंनयनि
सोमोन्दे मोनसे सांग्रांथियारि
हाबाफारि आरो मिरु मावफुं
आफादनि सरासनस्रा मेल खुंनय
जादो। बारग' आदिवासि कब्रा
मिलितारि मिरु मावफुं आफादनि
गाहाइ नेहाथारि सुनु मादिनि
आफादगिरि मासि सामलायनायाव
खुंनय सांग्रांथियारि मेलयाव कब्रा
मिलितारिनि बारग'
मावफारियाफोरखौ खामानियाव
थिसन्नाय, जिउ खानाय आरो
सरकारि अन्सुंथाय, आबाद फालांगि
बायदिजो लोगोसे गुबुन गुबुन


आयदाफारिनि सायाव गुवारै बिबुंथि
लाखियो जिल्ला उद्यग आरो
फालांगि मिरुनि गसाइगाव महकुमा
मावखुलिनि लोगो बिथोनगिरि
किशर गुत्ताया। सांग्रांथियारि मेलयाव
बारग' कब्रा मिलितारि अन्साय
आफादनि आफादगिरि अमृत
हेमब्रमआ सांग्रांथियारि मेल आरो
(□ 5 बिलाइआव)



गिबि मन्थि उ हिमन्त बिशव शर्मा धेमाजि जिल्लानि कारेसापरिनिफ्राय लक्षिमपुर जिल्लानि
धकुवाकाना एलएसिनि मतपारासिम 50 कि:मि: मटसइकेल रेलिआव बाहागो लादो।

मानास माहारियारि हाग्रामायाव मैदेर सान्नाया जाफुंनय

भबानिपुर, 27 फेब्रुवारी:
राइज्योनि गुबुन गुबुन हाग्रा
ओन्सोलजो लोगोसे जारिभिनारि
मानास माहारियारि हाग्रामानि
गाहाइ हाबग्रा लामा बासबादि
रेन्जनि रेन्जारि अभिनव बरुवाआ
दिने खौरं बिजोनि सिगाडव
फोरमायनाय बादिने मानास
माहारियारि हाग्रामानि सा 100
हाग्रा बिबानगिरि,



मावफारियाफोर हाग्रामायाव मैदेर
सान्नायखौ जागायदो मोन।
बिफानयारि बिबानगिरिनि नेम-
खान्थि बादिने मानासनि गासैबो
रेन्जआव मोनफा-मोनफा
ब्लकआव रान्नाने होनाय आर'ज
लाइखौ सुफुंनयनि गेजेरजो
हाग्रा मावफारिया,
बिबानगिरिफोर मैदेर सान्नाय
(□ 5 बिलाइआव)

आबाद बिज्ञान मिरुआव बिज्ञानिक बोसोनगिरि आफादनि सावराय मेल खुंदो

चापर, 27 फेब्रुवारी: धुबुरि
जिल्लानि चापर पुलिस थानानि
सिडव थानाय रडामाति गाव
पन्चायत ओन्सोलनि
हलदिबारिआव थानाय आबाद
बिज्ञान मिरुनि सावराय
न'ब्लाडाव दिने फुनि 10
रिगानिफ्राय सानजौफुनि 12
रिगानिसिम आसाम आबाद
मुलुगसोलोसालिनि सिडव



आबाद बिज्ञान मिरुनि 2024- बिज्ञानिक बोसोनगिरि
25 रांखाथि बोसोरनि थाखाय आफादनि मोनसे गोनांथार मेल

खुंनय जायो। आसाम आबाद
मुलुगसोलोसालिनि लोगो
फेहेरथाय सोलोथाइ बिथोनगिरि
उ रन्जित कुमार साउदरनि
आफादगिरि मासि
सामबलायनायाव खुंनय बे
सावराय जथुमखौ केभिके
धुबुरिनि बिबानगिरि आरो गागि
बिज्ञानिक उ फकर उदिन
(□ 5 बिलाइआव)

सुजुगिरिनि खोलोम

मुलाम्फायारि आबाद

मैखुना सुबुं देहानि थाखाय गोनां बेसात। मैंग हारिनि बे मैखुनाव गोबां बिबांनि प्रटिन, भिटामिन बाइदि बेसातजों आबुं थानायखायनो मैखुना गासै थाखोनि थाखाय बाहाय जानो हाथाव। सुबुं देहायाव नांनय गोनां मुवाफोरनि गेजेराव मैखुननि बान्जायनाया बयनिखुइबो सिगां होन्नानै बुंनंगोन। मैखुना बर'फोरनि जाथोसे मोजां मैंग। अदेबानि सम सम मैखुन जानानै मानसि थैनाया आथिखालाव आसामनि थाखाय गोदान खौरां नंलिया। जाग्राया जादों मिथिनानैबो-थैग्रायाबो थैयो जानानै गाव मिबथिसाब्ला जासे। खौरांबो ओंखारफलायो मैखुन जानानै थैनाय। अब्लाबो नागारा मैखुननि हाबिला। नाथाय खोनाफैरै, जाफैरै जाथायबो जानानै फैयो साम' जानानै थैनायनिबो खौरां।

जाथाया मुजिथाव खहाबगोनां आरो गिखंथावबो जानानै फैयो बर'फोरनि थाखाय। गामिल' नड टाउन-सहर जेरावबो गोसारदलानानै थानाय बर'फ्रा जगार खालामनानैब्लाबो बोथिसे साम'-सबाय, साम'-अनदलानि ओंखि आरो मैखुन-अनदला, एडनाय, मैखुन-मैथा, अमा-मैखुननि लाना जानाया आथिखालनि'ल' बाश्ना नड, गोदो गोदाय आजै-आजौमोननि समनिफ्रायनो बर'फ्रा बे थाखोनि मैंग-थायगं जाबोदों आरो जागासिनोबो थायो। नाथाय खैफोदनि बाश्नाया जाहैदों-बेखौ सिनाइनानै जानो रोडैयाव। मैखुन जानो मोजां मोनोब्लाबो बर'फ्रा गोनोखो आदबजों बाडइ सम आरो बाडइ खरसा गारनानै मैखुन आबाद खालामनानै जानायाव नाथाय दैलो। आथिखालाव जायगा लायै जायगा मैखुन आबाद खालामनानै फालांगि खालामनो एबा जानो थाखाय विफानारीनि जोहै जोलै बेगर बुथुमनानै बे आबादखौ मावनायनि गोरलै खाबु आरो राहा दंसै। जॉनि बि टि सि हालामनि दाब-दाब जायगाजों लोगोसे गसाइगावआव दुलाराय बर' आबादारि आफातनि बान्जायनायाव मैखुन बेगर दिहुन्नायनि थाखाय लेबरेटरीनि गेजेरजों मैखुन फसंबाय। बे लेबरेटरी जोलैखौ एग्रे-बाग्रे मोनफुनो हासिगोन। बेनि गेजेरजों-मैखुन आबाद दिखानानै बेनि आंखाल फोलोमनायजों लोगोसे फालांगियारी बिधिडेबो आबाद दैखानो गोलै जानानै फैबाय। बेफोर आदबनि गेजेरजोंबो नांनाइसेबां मैखुन दिहुन्नायै गावनि नांगौखौ फोलोमनायजों लोगोसे गुबुनफोरनोबो फालांगियारी आदबै मैखुननि साहिदाखौ सुफुनो हायोब्ला रंखावरी फासंबो एफा एनै हुंखा फोलोमनो हागौ आरो गिनांगौबो थाहैनाय नड।

दिनेनि फान्जामुथि

राशि बाइदियै मुंनि गिबि हांखो
मेष : अ ल **वृष** : ऊ ब (उ ए इ) **मिथुन** : क छ (ड घ)
कर्कट : ड ह **सिंह** : म ट **कन्या** : प ट (ण ष)
तुला : त र **बृश्चिक** : ब न **धनु** : ध भ (ढ फ)
मकर : ख ज **कुम्भ** : ग श (स) **मीन** : द च (ख ज झ)

- मेष**: नख 'रनि सोरजोंबाफोर सोमोन्दो गावसालायनाय जानो हागौ। जेखि जाया गोसोखौ हमथा।
- वृष**: बायदिसिना फिसा-फिसौ जेनाखौ लानानै जिंगा सिनांनो हागौ। गोसोखौ गोजोन मैथै मोनगोन।
- मिथुन**: मावनाय-दानाय फरायनाय जेरावबो आखा-फाखा जानो हागोन। मोजां सान।
- कर्कट**: जेखि बादाया मानो देरहासार जानो हागोन। बे राशिनि थाखाय गाहाम सान।
- सिंह**: सुथुर थानायफोरखौ फेजेन्नो हागोन। गोजोनै थानो हागोन। मोजां सान।
- कन्या**: सोरजोंबाफोर गोदानै जगा-जग खालामनो हागोन। गोसोनि सान्नायखौ जाफुंहोनो हागोन।
- तुला**: जैरैबो रंजा-बाजा खालामनो हागोन। गोसोने सम बारहोनो हागोन। मोजां सान।
- बृश्चिक**: माबा मोनसे जेनायाव गोम्लैबायनो हागौ। जैरैबो सांग्रां जानानै थानांगोन।
- धनु**: फालांगि मावनायाव मुलाम्फा मोनो हागोन। बे राशिनि थाखाय गाहाम सान।
- मकर**: माखौबा लानानै गिखानाय मोनो हागौ। गोसोखौ लोरबां लानो नाड।
- कुम्भ**: बहाबाफोर दावबायहैनो मोनो हागौ। गोजोनाय मोनगोन। मोजां सान।
- मीन**: मोजां मोनलायनायाव अनलायनाय फैगोन। दौलेंआ गोर जागोन।

जाहाजफोराव गाग्लोबनायनि गेजेरजों आमेरिकानि सान्थिफोरा हुतिफोरनि हाथियार गुडामखौ सिलिंखार खालामदों

एडेन, 27 फेब्रुवारी : रेड सियाव हुति बिगारिफोरा जाहाजफोरखौ लान्थियै नोजेर लाखिगासिनो दड। बेनि गेजेरजों आमेरिकानि सान्थिफोर गोखोडे फेनानै हुतिफोरनि सायाव गाग्लोबो। जाहाजफोरनि सायाव गाग्लोबनायनि गेजेरजों आमेरिकानि सान्थिफोरा हुतिफोरनि हाथियार गुडामखौ सिलिंखार खालामो। बेनि सोमोन्दैयै आमेरिकानि सेन्ट्रल कामान्डआ बुडोदि, गाग्लोबनायनि थांखिया रेड सि आरो खाथि-खालानि दैनि लामाफोरव आमेरिका आरो बेनि लोगो जवानफोरखौ सिगिनो थाखाय बाहायनाय हुतिफोरनि गोहोफोरखौ सिलिंखार खालामनानै नेभिगेरानि



उदांसिखौ सोलिहोनाय। जेब्लानिफ्राय इग्राइल हामास दावहाया जागायदों अब्लानिफ्रायनो रेड सियाव यमननि हुति बिग्रायारिफोरा लान्थियै जाहाजफोरखौ नोजेर होगासिनो दड। जर'खायै

हारिमायारि फालांगियारि जाहाजफोर जायफोर आमेरिका आरो बिसोरनि हेफाजाबगिरि हादतफोरनि। बेबायदि आमेरिका, ब्रिटेनजों लोगोसे माखासे हादतफोरा खुला-खुलियै सांग्रांथि होखांबाय।

नाथाय हुतिफोरा गावसोरनि आबुखौ नागाखै। बेबायदियाव आमेरिकाया आरोबाव खेबसे गोखोडे नायबिजिदों। बिसोर रेड सियाव जेना बांनयनि गेजेरजों युमननि हुतिफोरनि कन्ट्रलआव थानाय

ओन्सोलफोराव गाग्लोबदों। बे गाग्लोबनायफोरनि सिगांबो थानाय सप्ताह एबा 19 फेब्रुवारीखालि बेलासि समव रेखाथि हान्जाफोरा युमननि हुतिफोरनि कन्ट्रलआव थानाय ओन्सोलफोरव उरां जाहाजजों गाग्लोबग्रा मिसाइलफोरखौ नागिरनानै सिलिंखार खालामदोंमोन। आमेरिकानि सेन्ट्रल कामान्डआ फोरमायनाय बायदिब्ला गाग्लोबनायाव गनै मबाइल, एन्टिसिप कु स मिसाइलफोर, गं थाम सुबुंफोर गाखोग्रा जाहाजफोर आरो फारसेथिं गाग्लोबग्रा सुबुं गाखोग्रा उरां जाहाजफोरखौ सिलिंखार खालामो। बे

गाग्लोबनायनि थांखिया रेड सि आरो खाथि-खालानि दै लामाफोराव आमेरिका आरो हेफाजाबगिरि हादतफोरनि थाखाय बाहायनाय हुतिफोरनि गोहोखौ सिलिंखार खालामनाय। आमेरिकानि गेजेर थाखोनि कामान्डआ बेनि सोमोन्दैयै फोरमायदोंदि, इउएसभि आरो एएससिएम हाथियार गाग्लोबनायनि थाखाय थियारिमोन। बेराफारसे रेड सिनि सायाव सुबुं गाखोग्रा उरां जाहाजफोर बेरायगासिनो दडमोन। सुलुडव फोरमायनाय बायदिब्ला, रेड सियाव फालांगियारि जाहाजफोर आरो आमेरिका नेबि जाहाजफोरनि थाखाय अलखदखौ नोजेर होन्ना बेबायदि गाग्लोबनो थांखि लानाय जादों।

मिज 'रामा पुलिस हान्जाखौ गोखोंसिन खालामगोन: नख 'रमन्थि



आइजल, 27 फेब्रुवारी: मिजरामनि नख 'रमन्थि के. सपडांगाया समबाराव बुंदोंदि, राइज्यो पुलिस हान्जाखौ गोखों खालामनो थाखाय गोबां मावख 'गिरि आरो कन्स्टेबलफोरखौ थिसिनो थाखाय गोबां नाजागासिनो दं। बिथाड बुंदोंमोनदि, राइज्यो पुलिसनि सिडव आथिखालाव गासै मोन 4,268 गुबुन गुबुन मासिफोरा लांदां जानानै दं। गिबि मन्थिया बुंदोंदि, राइज्यो पुलिसआ आथिखालाव मोन 4,268 मासिफोरा लांदां जानानै दं। पुलिस हान्जाखौ गोखों खालामनो थाखाय सोलिबाय थानाय आयेन बायदियै बे लांदां मासिफोरखौ आबुं खालामनो नाजागासिनो दं। सापडांगाया समबाराव सोलिबाय थानाय बाजेट जथुमनि समाव मोनसे सोंथिनि फिन्नाय होनानै बे रावखौ बुंदोंमोन। मन्थिनि बायदिब्ला, आथिखालाव गुप-एनि थाखाय 50 मासि, गुप-बि (गेजेटेड) नि थाखाय 20, गुप-बिनि थाखाय 381, गुप-सिनि थाखाय 3,528 आरो गुप-डिनि थाखाय 289 मासिफोरा लांदां जानानै दं। बिथाड बुंदोंमोनदि, पुलिस न' बिथांखिखौ 50 कौटि रानि फान्डजों राइज्योफोरनो के पिटेल इनभेस्टमेन्ट (एसएसएसआइ) नि थाखाय जर'खा हेफाजाबजों मावफुनाय जादों। गुबुन मोनसे फिन्नायाव सापडांगाया बेखौबो बुंदोंमोनदि, थानाय बोसोरनि डिसेम्बर दानाव गोदान सरकार दानायनि उनिफ्राय 2,800 बेनिबो बांसिन सिखावै लाबोनाय सुपारिफोरखौ जब्द खालामनाय जादों। बिथाड बुंदोंमोनदि, सरकार न'सुंसेनि हादरफोर गुबैयै म्यान्मार्निफ्राय सुपारिनि फालांगिखौ होबथानो नाजागासिनो दं।

पेटिएम पेमेन्टस बेंकनि बिजय शेकर शर्माया गावनि चेयारमेन मासिरवौ एंग्लायबाय

गोदान दिल्ली, 27 फेब्रुवारी : गोबां अलखदनि गेजेरजों पेटिएमनि गायसनगिरि बिजय शेकर शर्माया पेटिएम पेमेन्टस बेंक लिमिटेड (पिपिबिएल) नि पार्ट टाइम नन एक्जिकिटिभ महैरै गावनि मासिखौ नागारो। शर्माया फालांगिखौ बन्द' खालामनायनि 15 मार्च सम सिमनानि सिगांनो बे थांखिखौ लादों। पिपिबिएलआ आगुनि सेन्ट्रल बेंक अफ इन्डियानि आफादगिरि श्रिनिवाशन श्रीधर, आजिरा लानाय आइएएस बिबानगिरि देबेन्द्रनाथ सांरंगी, बेंक अफ बडौदादिनि आगुनि बिथोनगिरि अशक कुमार गर्ग आरो आगुनि एसएआइ बिबानगिरि रजनी सेखरी सिब्ल, वान97 कम्प्युनिकेशन थिसन्यायजों लोगोसे गावनि बिथोनगिरि आफादखौ दाफिन्नोबो। खौरांनि बायदिब्ला कम्पानिया थानाय समबारखालि गावनि रेगुलेटरी फाइलिंआव बेनि खौरां होयो। पेटिएम पेमेन्टस बेंकनि हें थायै नायबिजिनयखौ गोथैयै जिंगा



सिनायफोरनि उनाव खालामदों। भारतयारि रिजाभं बेंकआ लान्थियै आइन बेरेखा नेम-खान्थिफोरखौ जिंगा सिनायनि जाहोनाव बेंकिं आफादफोरखौ 15 मार्चसिमाव गावसोरनि अपारेरशनखौ बन्द' खालामनो थाखाय थिनो। जायजों पेटिएमनि स्ट्रकआव जेना फैयो। सुलुंनि बायदिब्ला भारतीयारि रिजाभं बेंकआ नेशनेल पेमेन्टस कपरेशन अफ इन्डिया एबा एनपिसआइखौ इडनिफाइड पेमेन्टस इन्टारपेस एबा इडपिआइनि थाखाय थर्ड पार्टी एप्लिकेशन होनो थाखाय पेटिएमनि आर'ज गावनायखौ नायबिजिनो बोसोन होयो। पेटिएम पेमेन्टस बेंकनि सिइअ

सुरिन्दर चावलाया बेनि सोमोन्दैयै बुडोदि, गोदान बर्ड मेम्बार्सफोरनि जर'खागिरि, जॉनि खुथाइ आरो अपारेरशननि मानखौ बांहोनाय, साबसिन नेम-खान्थिखौ गोखों खालामनायाव जॉनि लामा दिन्थिनाया मख 'जाथाव जागोन। पेटिएमआ गावसोरनि मुं थिसन्याय सुबुंफोरखौ फेजेन्नानै उदांसि आरो मावसुमा बिथोनगिरिफोरनि बर्डखौल' सायख 'नाय गावसोरनि बेंकिं आफादफोरनि थांखिखौ मदत खालामदों। बेयाव शर्माखौबो बर्डनिफ्राय बोखारना होनाय जागोन। शर्मानियाव पेटिएम पेमेन्टस बेंकआव 51 जौखोन्दो बाहागो दड।

बिधानसभा जथुम्मानि सिगां मणिपुरआव सिकिउरिटिखौ गोखों खालामनाय जादों

इम्फल, 27 फेब्रुवारी: (बुधवार) निफाय जागायजेन्नाय बिधानसभा जथुम्मानि सिगां मणिपुर पुलिसा रैखाथि राहाफोरखौ गोखों खालामदों आरो सा 300 राइजो आरो मिरुआरि मावथिफोरखौ न'नि रैखाथिनि थाखाय थिसन्दों। 12थि मणिपुर आयेन आफादनि 5थि जथुम्माआ 5 मार्चसिम सोलिगोन, बेयाव सानबा हाबा मावनाय सान थागोन। बेयो राइजो बेंगिरिनि बिबुंथिजों जागायजेनगोन आरो बेनि उनाव मान बावनाय, फालांगियारि बोसोनगिरि आफादनि फोरमायथिखौ दिन्थिनाय, 2023-24 माइथायनि अन्सुथाइनि थाखाय सुफुग्रा दाबिफोर आरो 2024 माइथायनि थाखाय बाजेट अनुमान दिन्थिनाय जाहैगोन। बिधानसभा ओनसोलफोराव आरो बेनि खाथि-खाला ट्राफिकखौ गुबुन लामाथिं सोलायनाय जादों आरो पुलिसा जायखिजाया गाजि जाथाइखौ होबथानो थाखाय आयेन आफादनि सोरगिदिं जेबो हान्जा सुरनाय आरो हेंथा दिन्थिफुनो गनायथि होनाय नड।



मावख 'गिरिफोरा बुंदोंदि, मिरु सरकार आरो कुकी उदखारि हान्जाफोरनि गेजेराव

अपारेसनखौ दोन्थ'नायनि जाथावना बारायनायनि बेरेखायै रेलिफोरनि गेजेराव

सोलिबाय थानाय आयेन आरो खाथिनि थासारियाव, थोजासे रैखाथि राहा लानाय जादों। ट्राफिक, टास्क फर्स, बमा गारनाय आरो सैमा हान्जानि मावथिफोरखौबो थिसन्याय जागोन। ट्राफिक पुलिसा आयेन आफादनि सोरगिदिं साखोन-सिखोन हाबनायखौ रोखा खालामनायनि अनगायै बेखौबो थि खालामगोनदि, आयेन आफादनि मोखों आरो लामाफोराव जेबो ट्राफिक जाम जाया।

ऋषि सुनकआ पार्टीनि हेंथायै इस्लामफबियानि दाय जाबसिन्नायफोरखौ नेवसिगारदों

लन्डन, 27 फेब्रुवारी: ब्रिटिस गाहाइ मन्थि ऋषि सुनकआ थानाय समबारखालि इस्लाम फिबियांनि दायनिगिरिफोरनि हेंथायै कन्जार्भेटिभ पार्टीनि सुबुंफोरखौ रैखा खालामनो थाखाय गोनां जायो। इस्लामफबियानिफ्राय आशाय इस्लाम आरो मुस्लिमफोरजों गिखंथाव थासारि सोमजियो। लन्डननि मेयर सादिक खाननि हेंथायै सासे टरी एमपिनि जेना गोनां बिबुंथि होनायनि उनाव जेनाया बाडो। सुनकआव मोनसे मोगा-मोगिनि समाव सोंथि सॉनाय जादोंमोनदि, मा कन्जार्भेटिभ पार्टीयाव इस्लामीफोरा दड नामा? मानोना एमपि लि एन्डारसनखौ थानाय सप्ताहयाव टरी पार्टीनिफ्राय बेबायदि बुंनयनि थाखाय सास्पेन्ट खालामनाय जादोंमोनदि, इस्लाम मदतगिरिफोरा पाकिस्तानि फोलेर खाननि

मुस्लिमफोरजों गिखंथाव थासारि सोमजियो। लन्डननि मेयर सादिक खाननि हेंथायै सासे टरी एमपिनि जेना गोनां बिबुंथि होनायनि उनाव जेनाया बाडो। सुनकआव मोनसे मोगा-मोगिनि समाव सोंथि सॉनाय जादोंमोनदि, मा कन्जार्भेटिभ पार्टीयाव इस्लामीफोरा दड नामा? मानोना एमपि लि एन्डारसनखौ थानाय सप्ताहयाव टरी पार्टीनिफ्राय बेबायदि बुंनयनि थाखाय सास्पेन्ट खालामनाय जादोंमोनदि, इस्लाम मदतगिरिफोरा पाकिस्तानि फोलेर खाननि



सायाव दखल खालामना लाबाय। खानआ बेरेखा दोलो लेबार पार्टीनि सोद्रोमा। जायखौ एन्डारशननि बिबुंथिखौ इस्लामफबिया नस्लवादी आरो इस्लामनि बेरेखा होन्ना फोरमायदोंमोन। सुनकनि सायाव बे आयदानि सायाव नोजेर लाखिनाय आरो आगुनि पार्टी हेफाजाबगिरिनि बिबुंथिखौ सोंखारिनो नारसिन्नाया बांगासिनो दडमोन। बिथाड कन्जार्भेटिभ पार्टीयाव इस्लामफबियानि सोद्रोमा दड नामा होन्ना सोंथि सॉनायाव

थारैनो गैया होन्ना फिन्नाय होदों। बिथाड बुंदोंदि, जों बयनिबो सायाव सरासन्नायै संसदआव सायख 'जानानै फैनाय सुबुंफोरनि सायाव मावनांगो हाबा दडदि, गावसोरनि दान्थे-बिदान्थेखौ बै लामाथिं बांहोनो नाडा, जाय गुबुनफोरनि थाखाय ख'हा खालामनो हागौ। लि एन्डारसननि जेना गोनां बिबुंथिनि सोमोन्दैयै सोंथि सॉनायाव गाहाइ मन्थिया बुंदोंदि, थारैनो लिनि बिबुंथिया गनायजाथाव नडमोन। बिथांखौ गावनि गोरोन्थिनि थाखाय सास्पेन्ट खालामनाय जाबाय होन्ना सुलुडव फोरमायदों।

आरबिआइआ एसबिआइजों लोगोसे माखासे बेंकफोरनि बेरेखायै जुरिमाना फोनदों

गोदान दिल्ली, 27 फेब्रुवारी: रिजाभं बेंक अफ इन्डिया (आरबिआइ) आ स्टेट बेंक अप इन्डिया (एसबिआइ) केनार बेंक आरो सिटी इडनियन बेंकनि बेरेखायै सामलायग्रा नेम-खान्थिफोरखौ सिफायनायनि थाखाय गोखों राहा लादों। बे खामानिनि उनाव बेंकफोरखौ 3 कौटिसो रानि जुरिमाना फोननाय जादों। मिरु बेंकआ गावनि बिबुंथियाव बुडोदि, डिजिट एजुकेसन एवारनेस फान्ड स्किम, 2014 जों सोमोन्दो थानाय माखासे नेमखान्थिफोरखौ सिफायनायनि थाखाय स्टेट बेंक अफ इन्डिया



(एसबिआइ) नि सायाव 2 कौटि रानि जुरिमाना होनाय जादों। बेजों लोगोसे आरबिआइआ सिटी बेंकखौ नोंथानि दिथा नेमखौ सिफायनायनि थाखाय 66 लाख रानि जुरिमाना फोनदों। लोगोसे आय सिनायथि, सम्फथि थाखो रन्नाय आरो एनपिए एकाउन्टफोरजों सोमोन्दो गोनां सिगां राहा

खालामनाय नेमफोरखौ मानिनायनि थाखाय जुरिमाना फोनदों। बेनि अनगायैबो आरबिआइआ माखासे बिथोनफोरखौ मानिनायनि थाखाय केनार बेंकखौ 32.30 लाख रानि जुरिमानाबो जाबसिन्दों। बेंक नडै रंखान्थियारि कम्पनीफोरजों सोमोन्दो थानाय माखासे राहाफोरखौ मानिनायनि थाखाय असियन केपिटेल मार्केटस लिमिटेड, राउरकेला, अडिशायाव 16 लाख रानि जुरिमाना फोननाय जादों। आरबिआइआ बुंदोंदि, मोनफ्रोम जाथाया जुरिमाना सामलायग्रा मानिनायाव गोरोन्थिनि सायाव बिथा खालामनाय। बेनि थांखिया गावसोरनि बायगिरिफोर फसंथानफोरजों खालामजानाय जायखिजाया लेन्देन एबा गोरोबथानि गनायथिखौ गोहोम खोख्लैनो थाखाय नड।

दिनै राइज्यो सभानि मोन 15 मासिफोरनि थाखाय उत्तर प्रदेशआव बिसायख 'थि जानानै थांबाय

गोदान दिल्ली, 27 फेब्रुवारी : राइज्यो सभानि मोन 15 मासिफोरनि थाखाय उत्तर प्रदेश कर्टेनि मोन 10, कर्नाटकनि मोनब्रे आरो हिमाचल प्रदेशनि मोनसे मासिनि थाखाय दिनै बिसायख 'थि जायो। बेनि सिगां मोन 41 मासिफोरनि थाखाय सोद्रोमा सायख 'खांबाय। उत्तर प्रदेशआव मोन 10 मासिफोरनि थाखाय गासै सा 11 बिजाथिफोर बिसायख 'थिनि फोथाराव गसंदें, जेराव सा 8 बिजेपिनि आरो समाजबादि पार्टीनि साथाम बिजाथिफोरा दड। बिजेपिया सा 8 थि बिजाथि महै सन्जय सेटखौ बिसायख 'थिनि फोथाराव फसंदें। बेराफारसे 10 मासिनि थाखाय क्रास भर्तिखौ थि खालामदें, जायनि थाखाय मोनै बाहागोफोरनि थाखाय दाजानाय जागोन। राइज्यो सभा बिसायख 'थिनि हाबाफोरिया सरासन्ना बिसायख 'थिनि खुड आलादा जायो। सरासन्ना बिसायख 'थिनि सोमोन्दै बयबो



मिबथिगौ। नाथाय राइज्यो सभा बिसायख 'थिनि खेलाखौ सरासन्ना नोगोरारिफोरा बुजिया। अदेबानि सरासन्ना बि स ा य ख ' थि नि आ व एमपिफोरखौ सुबुंफोरा सायख 'यो। बेराफारसे राइज्यो सभायाव थांग्र एमपिफोरखौ सुबुंफोरा सायख 'हरनाय एमपिफोरसो सायख 'यो। राइज्यो सभायाव मोनसे अरायथा सदन जायो, जायनि गेजेरजों लक सभाया बंगबो जानो

हादतनि सायख 'जानाय सुबुंफोराल' जानो हायो, जायफोरखौ हादतगिरिया सायख 'यो। आथिखालाव सदनआव बे अन्जिमाया सा 245 एमपिफोरनि आरो राइज्यो सभा एमपिनि हाबा मावनाय समा 6 बोसोरनि जायो। राइज्यो सभा एमपिफोरनि बिसायख 'थिया मोनसे पसुलानि गेजेरजों जायो, जेराव सासे एमपिनि बेसेबां भटफोरनि गोनांथि दड बेखौ सिगाडावनो थि खालामनाय जायो।

पेटिएम पेमेन्ट बेंकनिफ्राय बिजय शेखर शर्मानि बिबान एंग्लायनाय उनाव ब्रेकरेजआ गोदान टार्गेट होदों

गोदान दिल्ली, 27 फेब्रुवारी : पेटिएम पेमेन्ट बेंकनिफ्राय बिजय शेखर शर्मानि बिबान एंग्लायनाय उनाव पेरेन्ट कम्पानि वान97 कमिउनिक्शननि शेयारआव मंगलबार (27 फेब्रुवारी) खालि जागायजेन्नाय फालांगियाव गासै 4 जौखोन्दो बांनयखौ नुनो मोननाय जादों। कम्पानीया फुंनि 9:25 रिगायाव मोनफ्रोम शेयारआव 449 राडाव फालांगि खालामदेंमोन। मैया एबा समबारखालि पेटिएम पेमेन्ट बेंकनि फारसेनिफ्राय बर्डखौ दाफिन्नो फोसावदोंमोन, जायनि उनाव पार्ट टाइम नन इक्जिक्जिउटिभ चेयारमेन बिजय शेखर शर्माया बिबान एंग्लायनो फोसावदोंमोन। कम्पानीनि गेजेरजों खौरां होनाय बायदिल्ला पेटिएम पेमेन्ट बेंकनि गोदान बर्डआव सेन्ट्रल बेंक अफ इन्डियानि आगुनि चेयारमेन श्रीनिवास श्रीधर,



बेंक अफ बरदानि आगुनि बिथोनगिरि श्री अशक कुमार गर्ग, आगुनि आइएएस श्री देवेन्द्र नाथ सारंगी आरो आगुनि आइएएस श्रीमति रजनी सिमबलआ दंफायो। ब्रकरेज फर्म मेक्वायरीनि फारसेनिफ्राय पेटिएमनि सायाव आन्डार पारफर्मनि राइटखौ समानै लाखियो। ब्रेकरेजनि गेजेरजों 275 रॉनि टार्गेटखौ पेटिएमनि थाखाय होनाय जादों, जाय समबारखालि बन्द' जानाय बेसेनिखुड गासै 35 जौखोन्दो

गाहायाव। सुलुंनि बायदिल्ला आरबिआइनि फारसेनिफ्राय पेटिएम पेमेन्ट बेंकनि सायाव होबथानाय जाबसिनो थाखाय थांनय 31 जानुवारीखालि फोसावदोंमोन। सिगाडाव पेटिएम पेमेन्ट बेंकनि गासै सिबिथाइफोरखौ 31 जानुवारीसिम होबथानो बिथोन होदोंमोन। नाथाय उनाव बिनि समसिमनाखौ बारयनानै 15 मार्च खालामना होनाय जायो। बेबायदियाव पेटिएम पेमेन्ट बेंकआ बे अक्टनि उनाव गावसोरनि गासै सिबिथाइफोरखौ होबथानांगौ। मख 'नो गोनांदि, पेटिएमनि शेयारआव थांनय 1 दाननि गेजेरजव गोबां दावखलायनायखौ नुनो मोन्दें। थांनय 1 दाननि गेजेरजव कम्पानीफोरनि शेयारआ 41.23 जौखोन्दो दावखलायखांबाय। रबिआइनि थांखि लानायनि उनाव पेटिएमआ 318 रॉनि मिनिमाम थाखायव सौहेंदोंमोन। बेनि उनाव पेटिएमआव रिक्भारी जानायखौ नुनो मोन्दें आरो बेयो आथिखालाव 414 राडाव फालांगि खालामगामिनो दड।

दिल्लीनि गिबि मन्थि अरबिन्ड केजरिवालनो इडिआ समन हरदों

गोदान दिल्ली, 27 फेब्रुवारी: इडिआ दिल्लीयाव जौ केलेंकारिनि केसआव गिबि मन्थि अरबिन्ड केजरिवालनो दाइनथि खेब समन दैथाय हरदों। इडिआ केजरीवालखौ 4 मार्चआव सोथि सोंनो थाखाय लिंहरदों। बावैसो सान सिगां इडिआ केजरीवालखौ 7थि खेबनि थाखाय लिंहरदोंमोन आरो बिथांखौ सोंनायाव बाहागो लानो थिनदोंमोन नाथाय बिथाड इडिनि मावख 'आव थाडाखौमोन। आम आदमी पार्टीआ बुंदोंमोनदि, जेल्ला बे बाथ्राया बिजिरसालियाव दं अल्ला इडिआ मानो खनले-खनले समन दैथायहरगामिनो दं। इडिआ बिजिरसालिनि थिरांथाखौ नेनांगो। बेनि अनगायैबो आम आदमी पार्टीआ दाबि खालामदोंदि, केजरीवालखौ फेगौ 3-4 साननि गेजेरजव इडिआ खागोन। बिसोरखौ भारत जथाय हान्जानिफ्राय आलादा जानो नारसिन्नाय जादों। नाथाय आपआ भारतनि गोरोबथानिफ्राय आलादा जानाय नड। केजरीवालआ बुंदोंदि, जुदि बिजिरसालिया



बिथांखौ बे बिथिखव बिथोन होयो अल्ला बिथाड इडिनि सिगाडाव नुजाथिगोन। बेयो 7थि खेब जेल्ला केजरीवालआ इडिनि समननि फिन्नायाव नायबिजिरग्रा एजेन्सिनि सिगाडाव नुजाथियाखौ। इडिआ थांनय सप्ताहायाव गिबि मन्थिनो 7 थि समन हरदोंमोन आरो बिथांखौ सोंनाय फिन्नायनि थाखाय एजेन्सिनि सिगाडाव नुजाथिनो थिनदोंमोन। गिबि मन्थि केजरीवालया समबारखालि आम आदमी पार्टीनि गोबां दैदेनगिरिफोरजों लोकोसे बारग' लेडइ गिबि मन्थि मनीष सिसदियानि खाजानायनि 1थि बोसोरारि फोरबोआव राजघाट सौहेंदोंमोन आरो अजद होदोंमोनदि, समनआ बिथांखौ बेरेखा हान्जा

हादतनि 6 राइज्योफोराव गोदरों बारजों लोकोसे अरवानि सांग्रांथि फोसावदों

गोदान दिल्ली, 27 फेब्रुवारी : मोनसे गोदान सोनाबारि नारसिन्थाइनि जाहोनाव हादतनि माखासे राइज्योफोराव बोथोरा सोलायनो हमदों। सा भारतनि माखासे राइज्योफोराव गुसुआ दावखलायदों। बेराफारसे माखासे जायगाफोराव अखा आरो बरफ गोदरोंगामिनो दड। बोथोर बिफाना फेगौ 24 घन्टानि थाखाय सोनाबारि हिमालय ओन्सोलनि माखासे बाहागोफोर, राजस्तान आरो मध्य प्रदेशनि आलादा आलादा जायगाफोराव अखाजों लोकोसे सारअन्थाइ गोदरोंनायनि सांग्रांथि फोसावदों। बेनि अनगायै खोला छत्तिसगड, झारखान्ड, गंगिय, सोनाब बंग' आरो उरियाआव

गोदरों बार बारनायजों लोकोसे जुब-जुब अखा हागोन। बे समाव 30-40 किल 'मिटर गाख्रैथिनि बार बारगोन। लोकोसे माखासे जायगाफोराव सारअन्थाइबो गोदरोंनो हागौ। बोथोर बिफाननि बायदिल्ला गेजेर भारतनि माखासे जायगाफोराव अखा खोरामनायजों लोकोसे अखा सार-अन्थाइ गोदरोंनो हागौ। बिफाननि बायदिल्ला फेगौ सान्थामनि गेजेरजव 29 फेब्रुवारीनिफ्राय सोनाबारि हिमालय ओन्सोल आरो 1 मार्चनिफ्राय 4 मार्चसिम खांथि-खालानि हायेन ओन्सोलफोराव सोनाबारि



नारसिन्थाइनि गोहोमा बांसिने गोदरोंनो। बेनि जाहोनाव जुब-जुब अखा हानो हागौ। लोकोसे माखासे जायगाफोराव सार-अन्थाइबो गोदरोंनो हागौ। बोथोर बिफाना बेनि थाखाय येल' एलाट फोसावदों। मोनसे गोदान सोनाबारि नारसिन्थाइनि जाहोनाव राजस्तानआव थांनय समबारखालि बोथोरा सोलायफिनो आरो राजथावनि

जयपुरजों लोकोसे माखासे ओन्सोलफोराव जोमै साग्लोबदों। बेनि गेजेरजों फेगौ 24 घन्टानि गेजेरजव जधपुर, बिकानेर, अजमेर, कटा आरो जयपुर संभागआव अखा हानो हागौ। मंगलबारखालि दिल्लीनि नोगोरारिफोर फुंनि समाव गुसु मोन्दें। माहारिगारि राजथावनियाव थांनय समबारखालि मिनिमाम बिदुखौ 9.9 डिग्रि सेल्सियासयै दिखानो मोननाय जादों। जाय बोथोरनि एभारेसनिखुड 3 डिग्रि खम। बिफानआ दिनै सरासन्ना अखाजों लोकोसे सरासन्नायै जोमै साग्लोबनायखौ हमदोंदों। बे समाव मेक्सिमाम बिदुख 27 डिग्रि सेल्सियासनि खाथियाव थाहेंनो हागौ।


No.B/HFD/Office/16/8/2023-24/5682		Date 23/02/2024
SHORT SALE NOTICE		
Auction Sale of 1 (One) No. of Timber lots (109 Pcs) Volume - 2.174m3 seized Sal Sawn timber under Haltugaon Division, Kokrajhar, 2023-24 vide DFO's order No. 229, Dated 14/02/2024.		
Auction Sale, Dated:- 29-02-2024.		
Sd/-		
Divisional Forest Officer, Haltugaon Division, Kokrajhar		
IPR(BTC)-2023-24/1480		

No.TECH-40/SE(R&B)/E-Tender/2020-21/Pr-II/10		Dated Kokrajhar the 23/02/2024				
Tender No. 184 of 2023-24						
PRESS NOTICE INVITING TENDER						
The Superintending Engineer, PWD (R&B) Circle, Kokrajhar on behalf of Governor of Assam invite bids from approved and eligible Contractors registered with Public Works Department (Roads), Assam/Contractors registered with Bodoland Territorial Council in the category of Class-I (A, B & C), Class-II & Class-III for the following work with a bid validity of 180 (one hundred eighty) days from the date of opening of the tender.						
Sl. No.	Package No.	Name of Work	Approx. Value of Work (Rs)	Time of completion	Bid security (In Rs)	Tender processing fee (Rs)
1	184.1	Construction of RCC Slab Culvert at UT link road to Panbari near Jiten Boro House under SOPD (BTC) for the year 2023-24.	20,00,000.00	06 (Six) Months	40,000.00 for General & 20,000.00 for Reserved Category	1000.00
Details may be seen at website http://assamtenders.gov.in and also in the office of the undersigned during office hours.						
The Press Notice will be a part of the Bidding Documents.						
Note :						
i) N.I.T Value is inclusive of GST, Labour cess etc.						
ii) Pre-Bid Meeting will be held on 04.03.2023 at 11.00 A.M. in the office chamber of the undersigned.						
iii) Bid submission closing date 12.03.2024 upto 1.00 P.M.						
Sd/-						
Superintending Engineer, PWD (R&B) Circle, Kokrajhar						
IPR(BTC)-2023-24/1479						

No.TECH-05/SE(B)/E-Tender/2021-22/Pr-II/102		Dated Kokrajhar the 23/02/2024				
Tender No. 534 of 2023-24						
PRESS NOTICE INVITING TENDER						
The Superintending Engineer, PWD Kokrajhar Building Circle, Kokrajhar on behalf of Governor of Assam invites bids from approved and eligible Contractors registered with Public Works Department (Building), Assam/Contractors registered with Bodoland Territorial Council in the category of Class-I (A, B & C) & Class-II for 4 (Four) Nos. of works with a bid validity of 180 (one hundred eighty) days from the date of opening of the tender.						
Sl. No.	Package No.	Name of Work	Approx. Value of Work (Rs)	Time of completion	Bid security (In Rs)	Tender processing fee (Rs)
1	534.1	Infrastructure Development (Vertical Extension of M.Ed. Class Room Building) of Govt. college of Teacher Education at Kokrajhar	49,99,700.00	06 (Six) Months	1,00,000.00 for General & 50,000.00 for Reserved Category	1000.00
2	534.2	256 Capacity Auditorium Building for Govt. College of Teacher Education (Phase-II) under Grants to BTC for Infrastructure Dev.	43,27,831.00	06 (Six) Months	88,000.00 for General & 44,000.00 for Reserved Category	1000.00
Details may be seen at website http://assamtenders.gov.in and also in the office of the undersigned during office hours. The Press Notice will be a part of the Bidding Documents.						
Note :						
i) N.I.T Value is inclusive of GST, Labourcess etc.						
ii) Pre-Bid Meeting will be held on 04.03.2024 at 11.00 A.M. in the office chamber of the undersigned.						
iii) Bid submission closing date 11.03.2024 upto 1.00 P.M.						
Sd/-						
Superintending Engineer, PWD, Kokrajhar Bldg. Circle, Kokrajhar						
IPR(BTC)-2023-24/1478						

कौटि-कौटि रॉनि बेसेनजों बानायनाय फ्ल 'टिं ब्रिजआ 24 घन्टायानो बोहैखालादों

अन्ध प्रदेश, 27 फेब्रुवारी: अन्ध प्रदेशनिफ्राय मोनसे गोमोथाव खौरां ओंखारदों। विशाखापत्तनमआव मोनसे फ्ल 'टिं ब्रिजआ बेखेव जानायनि 24 घन्टानि उनाव दैयाव गोदोयो। बे ब्रिजखौ खुं थाइयाव थानाय वाइआरसिपिनि सासे एमपिआ बेखेवदोंमोन। बेनि सोमोन्दै राइज्यो सरकार बुडेदि, दालानि व्हाइन्टआ ब्रिजनिफ्राय आलादा जायो, जायखौ थाबैनो गाहाम खालामनाय जागोन। खौरानि बायदिल्ला, बे दालांखौ राइज्यो सभानि एमपि वाइ. भि. सुब्बारेड्डीआ बेखेवदोंमोन। बे जाथायाव जेबो रोखोमनि खहा जायाखै। मख 'नो गोनांदि, अन्ध प्रदेशनि विशाखापात्तनमयाव गंसे फ्ल 'टिं ब्रिज बानायनाय जादों,



जयखौ बानायनायाव 1.6 जिउखौ अलखदाव खोख्लैनायनि थाखाय सरकारखौ सोंखारिदों। टिडिपि एबा तेलुगु देशम पार्टीनि चीफ एन चन्द्रबाबु नायडुआ गावनि एक्स हेन्डेलाव बेखौ गेना-खान्थिनि बिदिन्थि होना बुंदों।

मानोना बेखेवनायनि माखासे घन्टानि उनावनो दालांआ सिलिंखार जायो, जायखौ सरकार बयनिबो थाखाय गाहाम होना फोरमायदोंमोन। एक्स प्लेटफर्मयाव बेनि भिडियफोरखौबो सुबुंफोरा शेयार खालामदों।

मोसौ-मैसो गोनां राजकुमारी, जायनि समाइनाया जेब्लाबो गोसो बोनो हायोमोन आरो अन्नायखौ नेवसिनायाव सा 13 हौवाफोरा गावसोरनि जिउखौ बाउदोंमोन

बुनाय जायोदि, समयनाया सासे सुबुनाव नड नाथाय नायगिरिफोरनि मेगनाव थायो। जुदि नोंथाड बेखौ फोथाया अब्ला नोंथाड मोनसे गोजाम सैथो आरो जारिमिनारि सल'खौ मिन्थनांगोन। मानसिफोरा मोखानि समाइना आरो देहायारि महरजों थैयो नाथाय सासे रनिबो दंमोन, जाय जेरावबो समाइनाखौ लोगो मोनाखैमोन नाथाय मुलुगा बिथानि उनथिं फाग्लामोन। फारसियानि सासे राजखुंग्रिनि सावगारिआ बे समाव सशेल मिडियायाव गोसारलागासिनो दं, जायखौ नुनानै बिसोरो बुजिनो हायाखैदि, बिसोरनि गेजेराव मा समाइनामोन, रोजा-रोजा हौवाफोरा बिन उनथिं फागला जानानै दंमोन। फे जों नोंथानो खोन्थादि, बै मामोन,



जाय काजारनि राजकुमारीखौ बेस आरो मोदोम देहा थासेआवबो समाइनामि मोदाइजो बानायदोंमोन। काजारनि राजकुमारीनि मोनसे सावगारिखौ सशेल मिडिया प्लेटफर्म इंस्टाग्रामआव roohaniyat मुनि मोनसे एकाउन्टजों सेयार खालामनाय जादोंमोन। बेखौ बुनाय जादोंमोनदि, फारसियानि

बे राजखुंग्रिनि थाखाय सा 13 सुबुफोरा गावसोरनि जिउखौ बावदोंमोन। सावगारियाव आइजोखौ जोबोद सरासनस्रा नुनायनि सायाव सुबुफोरा बिबुधि होनो हमदोंमोन। बबेखानि, बिसोरो बिसोरनि सोमोन्दै बाश्राफोरखौ मिबथिया, जाय बिसोरखौ आथिखालनि आइजोफोरनिखुइ गोदान मुगानि

आरो दावगालु खालामदोंमोन। नुथायनि बाश्रा बुब्ला, काजारनि राजकुमारीया एसेबो गोसो बोनो हाथाव नडमोन। बिथांजोआ धोनि नख'रनिफ्रायमोन आरो गोबां धोन दंमोन। बिथांजोआ बै समाव इराननि बयनिखुइ बांसिन सोलोंथाय गोनां आइजोफोरनि गेजेराव सासेमोन। इ 1883 माइथायाव जोनोम मोन्नाय राजखुंग्रिनि जिउआव मोनसे सम दंमोन, जेब्ला 145 सुबुफोरा बिथांजोनि आखाइ बिदोंमोन। बेनि गेजेराव सा 13 सुबुड थांखिखौ नेवसिनायनि उनाव गावखौ फोथैना लादोंमोन। जोबनायाव बिथांजोआ गावनि मोजां मोनग्राजों हाबा जादोंमोन। काजर राजकुमारीनि फिसाय, जायखौ बै समाव समाइनानि नेसोन मानिनाय जायोमोन, बिबो गोहोमगोनांमोन आरो गोबाव समसिम इरानखौ सासन खालामदोंमोन। राजखुंग्रि जाहराया आरिमुखौ मोजां मोनोमोन। बिथांजोआ सासे महरगिरि आरो लिरगिरिबोमोन। बिथांजोआ आइजोफोरनि मोनथायनि थाखाय नांदोंमोन आरो इरानी आइजोफोरनि थाखाय सिगांनि लामाखौ रोखा खालामदोंमोन। बिथांजोआ गावनि जोबथा हां लानायसिम आइजोफोरनि मोनथायनि थाखाय जुजिबाय थादोंमोन। बिथांजोआ सोनाबारि जि-जोमबो गानोमोन। □



राव गैयै सोदोब नड

बेमा जेआव नांथेना आन्दायबायग्रा जों नड मोन्थायनि थाखै जेब्लायबो नांथाबगोन, हारिनि थामोन्थाखौ फोथांना लाखिलंगोन बुहुमाव बर'फोरखौ सिनायथि होथारगोन।

दिनैनि मुलुगाव जों बयबो खोसे जानानै आगान सुरलांनो हानाया जौनि मावनांगो, एना-एनि, नंज्लाय-खमज्लाय नागारनांसिगौ फोथायलायनाय, गोरोबलायनाय सोरजिनसिगौ।

गेरेमसा बर' हारि सोरजिनंगौनि थाखाय जों बयबो खौसेयै जान्जि खाफ्रनांसिगौ, सान्जा फैसालिआव आलाय आरनआ नुजाबोगौ बेजों समानै खारफानो जोंलाय रोंनांसिगौ।

मालायनि सिडव थानानै बेसेबां सोलिबावनो जेरैबो नुसमोनै गुवार बुहुमनि बिखायाव, गावनि आंगो जोनोम जायगा थिलियाव दड मोन्थाइ जोंहाबो गेरेमसा हारि दानायाव।

जौनि सोमावसारनाया राव गैयै सोदोब नड जों रावनिबो सुथुर आरो बान्दा जानो हाया, फैलाव अखोराड बेसेबा गोजौ मोनहास' हाया बिन समान जानांगोन जौनि अराय नाजानाया।

-निजोम बर'
-सोनाब पानेरि, उदालगुरि

मुगै जानायानो आंनो बो.....र

फांसे नड, फांनै नड, फासेल बिफांनि बिबारनि हायना महरानो जायो गुबुन गुबन रोखोमनि। संसारनि मानसिनि महर मुघ्रियाबो जायो गुबुन गुबुन रोखोमनि। आरो समाजयाव मानसिनि जीउ खानायाबो जायो सोरबा गरिब, सोरबा धोनि, नाथाय, मुगैयो मानो आंनि महर मुघ्रि गैजा रोडैखौ हायना महर गोनां सुबुं फोरा ? आरो मानो मुगैयो आंनि गैजा रोडै न'खरखौ धोनि सुबुड ? नाथाय मुगै जानायानो आंनो

श्रीकृष्ण नार्जारी
ला:सो:-सनापुरी
जिला- कक्राझार बि टि आर

नोंनि थाखायनो

रजे नोंनि थाखायनो गोजोन गैला आंहा।

नों मानो आंखौ मिथिया नों मानो आंजों एरा एरा।

नोंनि बेदि आखलावनो जाबाय आं बोदोर बावलि।

रायज्लायनो सानो आं नोंजों आंनि गोसोनि बाश्राखौ।

नाथाय नोंदि आंजों एरा एरा आं सानो, आंनि अननायखौ नोंनो होनो.....

नाथाय नोंदि गुमुर होया।

जाबाय आं नोंनि थाखायनो दिनै असु खुथु उसाव बादव

नाथाय नों मानो आंखौ मिथिया नोंनि बे बायदि आखलाआवनो

जाबाय आं दिनै फाग्ला नों मानो बुलिया-

नों मानो मिथिया। जाबाय आं नोंनि थाखायनो

खाराव माराव। खहाबला जानो लोंनो

नोंनि थाखायनो उन्दुनो ओंखारला नोंनि

थाखायनो सानबायथासै सान हर। रजेया मानो

दुखु नांथाव आखल दिन्थियो आं नोंनि गोबोनि अननायखौ

अरायबो मोननो लुबैयो। आंबो आंनि अननायखौ सिरि सिरि

नोंनो होदोंमोन रजे नाथाय नों आंनो गुमुर होया

गोसोखांसै अराय नोंखौल' हास्थायसै अराय नोंखौल' नोंनि

थाखायनो जासै आं एखनबा गोसो खाना मोदेनि बाना।

लकनाथ नार्जारी
ला:सो: पाटगाव
जिला-कक्राझार।

इंजालि गथ'फोरनि सौरा

गोरोबनै खन्थाइ

फागुन दाना सफै लायबाय गोरान बिलाइ सिरि लायबाय

जेबोला बैसागु फेगोन अबोला रोदोमखां लायगोन

एखर एखर नखर संसार नखर दावहा अराय बोथोर

नों सोरखोबा हिंसा सानगोन गावनि थाखाय हानि जागोन

नायथायनाय नों मालाबाबो मोनसा मोननाड रावखोबो

राड खरसा जाबाय थाबाय फालांगि खालामै थाखाय

दा नागिर दा नागिर सुखु दंखायो दंखायो दुखु

बायगर गोसोनि मानसिया मालायखौ बिजिरना नाया

दं समाजारि बिजोडव सोरबा सोरबा गोरबो गेसाव

दं समाजारि बिजोडव सोरबा सोरबा हरदम समाव

रेबग्रानि लिरथि अनसायनाय मोजां जाजानो मिजिनाय

नों एखर एखर मानसिफोर बुनायखौ मोनदों ना गुमुर

गासैखौबो थांखिजोबना बुंथिनायथ' जायाखै ना

-रैदोम बर',
माजदिया, बगुलामारि,
बाक्सा

गोजा गलाब बिबार

फालगुन दाननि जावलिआ बाराव। सानसंनो हायै लाइमोन बैसोआव गुवार गोसोनि अन्नाय लानानै मोजां मोन्दोंमोन रजे आं नोंखौ जेब्ला। अब्ला, नों आंनि बायराब देरानि लांगोनायाव बारदोंमोन सानैसोनि गोजा गलाब बिबार। दिनै बै गोजा गलाब बिबारा बहा ?... ? नाथाय, नोंदि बै सिखिफोरनि गेजेरावसो बारहैनानै दं। आंनि बेसेबा गोजानावसो.। नों, मोदोम जायाखैथ', सिखिफोरजों बिदै सोबजानो। बिबिदिनो, र'जे नोंखौ आं हास्थायदोंमोन मोकथांआव। नाथाय नोंदि बावगारलांबाय अब्लाबो आं नोंखौ गोबोंजों मोजां मोन्दोंमोन... जाफुं होनो थाखै..... नाथाय सानाखैमोन नों र'जे आंनि अन्नायखौ सैथो गोथार होन्ना। जाउनाव जानांबाय आं दिनै लोगो गोमाजानाय दाउसा माडरिया बिदिब्ला र'जे बुं बै समनि अन्नाया बेसेन गैयामोन नामा। जानो हागौ आंदि गोरोन्थि खालामबाय बिन थाखाय नों आंखौ नेवसिगारनो हागौ। नाथाय, नोंबो इसेबां गिदिर समय लानायखौ गियाखैसै। ना नों समायखौ फिसा होन्नासै सासनबाय नामा। ना फालगुन दाननि थिं थिं सान्दुं दुंनयाव रानज्रिलानो हमबाय नामा बै गोजा

बेनिजन बरग'यारी
बडाइगाव कलेज

खन्थाइआ आंखौ गोसो थोबाय

सोदोबफोरा आंखौ एवथुबाय थायो सोदोबफोरा आंखौ गोसो बोयो खन्थाइनि महरबो, खन्थाइआव आगर एर समयना महरनि न'सा लु गोसोआ नोंनि निजोम जागोन। सोदोबफोरनि गोसो बोनायाव आंबो गोबोंजों मोजां मोन्दों आंखौदि एथ'बां बम्बायो आं मोनथिस 'हायासै खन्थाइखौ गोसो थोनो रोडमोन गोसो थोदाव गोसो थोदाव दा गोबोंजों आंखौ गोबाख'बाय मुहुनि सारबाय आंनि सोलेराव।

सोदोबफोरानो आंखौ थिनो खन्थाइनि महर बोनो गोसो गैयाब्लाबो मिनिस्तुनानै बरायना लाबोयो गावनि मन्दबआव। गोसो गैयाब्लाबो बिन मिनि खुसि बुरखायनायाव आं थारै बुरखायजामारदों खन्थाइनि रोदाफोरजों।

दा आं गोसो थोबाय बिन महर बिन आखल बिन अन्नाय बिन सानसिफोरनि रुपखौ नुना बिन मिनिस्तुनाया थारैनो आंखौ गोसो गोजोन होमारो। मालाबोदि हगारलिया बियो गावनिफ्राय आन्नायजानो गिना। आंबोदि बिन अन्नाय मोन्ना थारै गोसोआव मिलौफलेनाय लानानै गोसोखौ उदां हगारदों जानो हागौ बिन महिमाया थारै अन्जाथाव। आं जेब्लासिम रुप आव थागोन अब्लासिम नों आंनि आं नोंनि।

-गुनिन मुसाहारि
-आमलाइगुरि, चिरां

गोसो थोफलांबाय आं

गोसो थोफलांबाय आं नोंखौ स'ना; मा होन्नासै रायज्लायबावगोन आं नोंखौ लोगो मोनबोला सना। जाया नड जाबाय नोंबो सासे महर गोसा नोंबो सासे महर गोसा सिखोला; फसाया नड फसायफलांबाय आंनि जावलिआ गोसोआबो। गोजावनांबाय आं नोंनि महरावनो रायखोमा जानांबाय आं ; सुबुंजों हिनजावनि फागोला बखि जानांबाय आं लामा-सामा। दोहो-दोहो खामगिल लांडे आंनि सोलेरा दुखुनि मोदेजों लोमसाव फैयो; जेबोला नोंनि हायना गोनां महरखौ गोसोखांडे हाया आं नोंखौ बावनो हाया। नोंनि मिनिनाय नोंनि रायज्लायनाय दिनै नुयै गामोनबो नुयैनो; गोसो थोफलांबाय आं नोंखौ सना नों मानि-दामानि। नाथाय नागिरै-नागिरै मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आंनि गोसोजों हास्थायनाया। बेयो आं अराय सम नोंनि गुरै रावनि फिन्नाय सना; आंनि गेग्रै देरानि दरखांआव।

राम नाथ बसुमतारी
श्रीमन्त शंकरदेब गोजौ फरायसालि
ला:सो:- निउ बडाउगाव
जिला-चिरां बि टि आर

नैथि एम एस डि इन्टारनेसनेल सेम्पियनसिप टूफी क्रिकेट बादायलायनाया जागायजेनबाय

गसाइगाव, 27 फेब्रुवारी: कक्राझार जिल्लानि गसाइगाव महकुमा सदरआव फेगौ 11 मार्चसिम खुंनो गोनां नैथि एमएसडि इन्टारनेसनेल सेम्पियनसिप टूफी क्रिकेट बादायलायनाया दिनेनिकाय जागायजेनबाय। दिने बिटिसिनि मावफुं सोद्रीमा उइलसन हासदा आरो एमसिएए सजल कुमार सिंहआ गहाइ आलासि महैर बाहागो लानानै एमएसडि इन्टारनेसनेल सेम्पियनसिप टूफी क्रिकेट बादायलायनायखो बेखेवनै होयो। दिने बडाइगाव XI आरो सोनाब बंगनि शिलुगुरि XI क्रिकेट हान्जानि गेजेराव खुंनाय बेखेवजेनाय मेचआव बडाइगाव क्रिकेट हान्जानि ट'सआव देरहानानै गिबियाव वेटि खालामो आरो थिखानाय 20 अभावरव मोनो 10 उइकेट खोमानानै



गासै 120 रान खालामनो हायो। उनाव शिलिगुरि क्रिकेट हान्जानि 12.2 अभावरव थिखानाय थंखिसिम सहैनानै मोन 6 उइकेटजो मेचखो देरहानो हायो। दिनेन मेचआव शिलिगुरि XI हान्जानि सनु कुमार सिंहआ 52 रान आरो साथाम उइकेट लानानै प्लेयार अफ डि मेत बिमुं मोनो हायो। गसाइगाव महिन्द्र सिंह धनि फेन्स क्लाबनि बान्जानायाव खुंनाय 2थि एमएसडि इन्टारनेसनेल सेम्पियनसिप टूफी क्रिकेट बादायलायनायाव बांलादेश, नेपालनि अनगायैबो गुबुन राइज्यो सोनाब बंग, राजस्थान, झारखन्ड, बिहार, काश्मिर, मेघालयजो लोगोसे आसामनि माखासे क्रिकेट हान्जानिफोर बाहागो लागोनो होनानै बान्जानि आफादनि आफादगिरि आलफ्रेड मुमुंआ मिथिहोदो।

टमआ माब्रै बेराखो गाब फुनखो?

गुबै-मार्क ट'इन

राव सोलाइदो-ए.के. ब्रह्म

बिमादै पलितजो थारा टम सायर मुंनि ससे बाइर गथीन बेयो दोसै सल'। बिमादै पलितआ टमखो जोबोर मोजो मोनदोमोन। सानसेखालि बियो टमखो जाम खानायनि हमानायसै। बियो बिखो जोबोर रगा जोदोमोन आरो बुंदोमोन, "आर खेबसेबाव नो गाजि आरुबु खालाम बावबाय।" टमआ बुंदोमोन, "आं जोबोर दुखु मोद, नाथय माबा मोनसे खवनो नाजायखे मोन। आं समाइ लायो, बेबादि हाबाखो इनुगुव मावआबला थानो नाजागोन।" अखानायनि साना शनिवार मोन आरो बेयो बन्धमोन। बिमादै पलितआ टमनो मोनसे गोलाव बेराखो गाब फुनहोनानै बै सानाव मोनसे आयदा फेरोनो थंखि लादोमोन।

बेयो देज्जानि समाइना शनिवारनि फुंमोन। टमआ खुसिये एमनिप्रय सिखानायसै। साना दुंगासिनो दमोन। दावन्न मेथाय खनदोमोन, बिफोनि बिथ' आरो दालाइप्रव जिरायदोमोन। बिबाएन्न जेवको बारलदोमोन। बार जोबोर थानिम आरो बरगासिनो दमोन। टमआ एम नागरानायनि सिमानो टमनि लोगोप्रन्न रंजा-बाजाय गावसोनि न'निप्रय ओंखार बोबायमोन। बिनि बिमादैआ गावनि थाखायदि खामानि मावदो, टमआ सांगां नडमोन। बियो जोबोर दुखु जादोमोन, मानोना बियो गु फुट गोजौ आरो गुजि फुट गोलाव बेराखो गाब फुनागोन। बेयो थारोनो गोब्राव खामोन। बबेनिप्रय जागायजेनो, बियो साननो हायाखेमोन। बियो गावनि ब्रासखो गाबनि दैयाव सोमदोमोन आरो गंथाम गोलाव थोगोर खुबियाखो फुनदो मोन। नाथय बेयो जेबो नडमोन। बियो नाराज जादोमोन आरो खारखोमानो लुबैदोमोन। बियो सानदो मोनदि बिमादै पलितआ उदखारि आरो बिखो मोजां मोना। नाथय जिहेथु

बिमादै पलितआ बे खामानिखो मावआब्ला बिखो दोननाय नड, बियो जेबो लामा मोनाखेमोन। बियो मोनसे थंखि सानदोमोन। गावनि सिफियाव थानय मुवाफोरखो बियो लादोमोन। बिहा माखासे मार्बल, दिरेनि माखासे थुखा आरो मोननै एवा मोनथाम बायनाय फुथला दमोन। नाथय बेफोर बेसादिनि थाखाय रावबो बिनो खामानि मावआखेमोन।

थिक बे समाव जिमआ दै रोगानो बाकेट लाना गेट बारबोनो फेदोमोन। टमआ सानदोमोन जिमनि खामानिआ रंजाथावसिन। बियो बे जायगायाव जेव खल देखरखो फज'दो, गोबां लोगो मोननो हागोन। "आं बुनो दुखु मोनदो जिम, नाथय नो आंखो ओजो-हजो बारलयाव दिगदार खालामगासिनो दं।" टमआ बुंदोमोन। टमआ थार गुबैये गावनि खामानिखो सोलाइनो लुबैदोमोन। बियो जिमखो थरसे गुफुर मार्बलजो फुस्लाइ दोमोन। नाथय जिमआ टमनि जासिनयखो आजावनो गनायाखेमोन। मानोना बिबो बिमादै पलितखो गिदोमोन। टमआ आरोबाव गावनि ब्रासखो लाफिनदोमोन आरो गिलिर गोसोये गावनि खामानिखो जागायदोमोन। होमब्ला बियो गावनि लोगो बेन रंजारखो खुसिये मेथाय खननो लामाभिं थाबाय बोनाय नुहुरदोमोन। बियो थारसे अपेल जागासिनो दमोन। बियो टमनिमिम फेदोमोन आरो बुंदोमोन, "एइ टम, नो खामानि मावदो?" टमआ बिखो नुबैयायदि फावसायदोमोन आरो फिनरार होयाखेमोन। बेनां आरखाव सोंबावदोमोन, "एइ टम। आं दा सानदिनो थंगासिनो दं। नो ओंजो म्दद होखामोन नामा? बे खज्रां हाबाखो मावनिनै नो दं समाइना बन्धखो नस्ट खालामनोसै नामा?" टमआ बुंदोमोन आरो गाब होलंयाव थारदोमोन। "मा गोभोखव। बेखो नो खामानि बुखिखिसै?" बेनांआ सांदोमोन। एसेबो नड। आं बेखो मोजां मोनो।

बेयो बेसेबा मुजि हाबथाव। गोबां गथ'प्रन्न बेबादि दाल्य गोनां खामानि होजाया।" टमआ फिनदोमोन।

दानिया मोनफोरमोबो गुबुन रोखोमै नुजाथिदोमोन। टमखो गावनि हाबायाव गोथोये बावसोमनाय नुदोमोन। बेनांआ गावनो दसे गाब फुनहोनो बिखो खालाइदोमोन। नाथय टमआ बुंदोमोन, "आंखो खेमाहो। आं माना खालामो। मादै पलितआ बे खामानिनि बागे जोबोर जुनिया। बेखो साबसिन आखायजो मावनाया गहाम।" बेनांआ आरखाव बुंदोमोन, "आंनो नाजा नायहो। आं जोबोर जोनहोनि लागोन। आं बेखो समाइनाये मावगोन आरो आंनि अपेलखो नोनो हागोन।" टमआ गोसो गैयैबादि जाफलादोमोन। बियो बुंदोमोन, "आं बेखो बुंनो जोबोर दुखु मोनदो। नाथय नो मा मावनो मोजां मोनो मावनो आंखो नारसिना खेदा?" नाथय लासैये ब्राछखो बियो बेननो हरदोमोन आरो बिफां सायाथाव जिराइ हेदोमोन। जेव्हा बेनांआ सानदुं गोसायाव बेराखो गाब फुनबाय थारो, टमआ अपेल जानानै जुथि लादोमोन। बिनि गोबां लोगोप्रन्नो सासेनि उनाव सासे बेव फेदोमोन आरो खामानि मावनो बाहागो लादोमोन। नाथय टमआ बिनि लोगोफोरनिखुइ सोलो गोरसिन मोन। बियो माखासे बन्था लाया लाबा गाब फुननायाव गावनि लोगोफोरखो बाहागो लानो माना खालामदोमोन। थावनो बियो दजनसे मार्बल, माने दं फटखा मोनसे फिसा फाइरि, थारसे मेगन गोनां मावजि फिसा फुथला, सेमानि गोदोनो आरो गोबां मुवाजों धोन जादोमोन।

टमआ गावनि लोगोफोरजो समाइना सान मोननो हादोमोन। बेराआथोरफोथाम गाब फुनजावाय आरो बिमादै पलितआ बिनि खामानिआव जोबोर खुसि जादोमोन। नाथय टमआ मब्रे गाब फुननायखो मावजोबखो, बेसो बिनि थाखाय बिरजोमा जानानै थारदोमोन।

(1 विलाइनिफ्राय)

गहपुर आरो माजुलिआव हा पाट्टा गथायनायनि..

गथायनायनि उनाव राइज्यो सरकारआ बसुन्धरा 3.0 खौ जागायजेनायनि साखा-फारा खालामदो होना फोरमायनानै गिबि मन्थिआ बुंदोदि, बे बिथांखिनि थामथि खोलोबयाव बसुन्धरा 2.0 आव आर'ज थिसनानैबो सुबुंफोर पाट्टा मोनो हायाखे बिसोरनोबो पाट्टा गथायनायनि थंखि आजावनाय जाहोन। बिथाड लोगोसे बुंदोदि, 2026 माइथारयो गेजेराव सरसनस्ना सुबुंफोरनि हा-हुनि सोमोन्दै जेनाफोरखौ सुफुंनयनि थाखाय राइज्यो सरकारआ थंखि आजावदो आरो नख'रफोरजो लोगोसे राइज्योयारि आफाद-फसंथानफोरनि हा-हुनि सोमोन्दै जेनाफोरखौबो बे सभावोनो सुफुंनय जागोन। आसामनि सरसनस्ना सुबुंफोर जाहाथे जायखि-जाया रोखोमनि जेना-जेंसिजो मोगा-मोगि जानाड, बेनि थाखाय आधिखालनि राइज्यो सरकारआ गोसो गोर्बोजो नाजाबाय थारो होनानैबो बिथाड बुडो। बिथाड बुंदोदि, मिसन बसुन्धराआ गोथारै बेखेवजानायनि सिगां मावेबा सरकारआ सरसनस्ना सुबुंफोरनि हा-हुनि सोमोन्दै जेनाफोरखो बोस्नांनयनि थाखाय थंखि आजावनाय जायाखेमोन। आधिखालनि सरकारआ बेबायदि गोब्राव जेनाखो बोस्नांनयनि थंखि आजावनानै बे बिथिडाव गोबां जान्थायाव सिगांलांनो हादो होनानै बिथाड बुडो। आधिखालनि राइज्यो सरकारआ नै बोसोर 8 दान नाडै मावफुं समाव सरसनस्ना सुबुंफोरनि गेजेराव थामोन्था आरो फोथायनायनि मोनसे गोदान थासारि सोर्जिनो हादो होनानै गावनि बिबुंथियाव मख'नानै बिथाड महाबिर लाचित बरफुकनखौ माहारियादि थाखोयाव दाफुंनाय आंगोनि बैसागु (बहाग बिहु) खौ मुलुग लोपोनायाव सिनायथि होनयनि थाखाय आजावना लानाय थंखि, आबहावा सरैखाथिनायनि फारसे बिबान गोनां फोरमायनानै अमृत बुक्ष सोमावसारनायखो खुंनाय, राइज्योनि लाइमोन जौलैनि गेलेमु रेंगोथिखौ जौगाखां होनायाव हेफाजाव फैनया बायदिये गेलेमु गौमा आरो हारिमुवारि रेंगोथि जौगाखां होनाय बिथांखिजो हारिमुवारि जांखिथाय हाबाफारिनि बाथाखो दिने मख'यो। बिथाड लोगोसे बुंदोदि, आसाम दर्शन बिथांखिनि गेजेरजो गामिफोरयाव थानाय नामघफोरनो गिबि खेबनि थाखाय अन्सुंथाय गथायनाय जादो आरो बे थंखिया सरसनस्ना सुबुंफोरनि गेजेराव आध्यात्मिक सुबुं जांखिथाय सोर्जिनो हादतनि उदांसि सोमावसारनायाव जिउ बाउसोमनाय कनकलता बरुवानि बाथाखौ मख'नानै बिथाड बुंदोदि, राइज्यो सरकारआ बि गेदेमा उदांसि सोमावसारगनि गोसोखांथियाव गहपुराव मुलुग सोलौंसालि गायसन्नायनि थाखाय थंखि आजावदो आरो आसाम बिधान सभायाव बे मुलुगसोलौंसालिनि आइनाइ गनायथि जाबाय। बे मुलुग सोलौंसालिनि लुनाय खामानिया थाबैनो जागायजेनगोन होनानैबो बिथाड बुडो। गहपुर आरो नुमलिफोर फोनांजावनानै बुलुंबुथुरनि सिंजो सुरंग' लामा लुनायनि खामानिया गहाइ मन्थि नरेन्द्र मदिनि हास्थानायजो फेगौ समाव आबु जागोन होनानै मख'नानै गिबि मन्थिआ बुंदोदि, आधिखालनि सरकारनि बिथांखिफोर गासैबो थाखोनि सरसनस्ना सुबुंफोरखौ जाफुहोनो जागायजेन्दो। सरकार बाडाइ ब्रह्मपुत्रनि साहा फारसेनि गासै ओन्सोलखौ गोदान महर होनो हादो होना बिथाड बुंदोदि, मुहापुरुष श्रीमन्त शंकरदेबआ जाय गेदेर अरममीया हारि दानायनि सिमां सोर्जिनोमोन, 500 बोसोरनि उनाव आधिखालनि सरकारआ बे सिमांखौ फारिये मोगथाडारि महर होनायनि थाखाय नाजादो। आसामखौ हादतनि गेजेरावनो गुबुन दरसे साबसिनथार राइज्योयाव लाबोनायनि राइज्यो सरकारनि थंखि लानायखौ सुफुंनयनि थाखाय गिबि मन्थिआ सरसनस्ना सुबुंफोरनिफ्राय बोरो मोनो थाखाय हास्थायदो। नोगोथेनि गावसुंथा आफादफोरनि आइजोफोरनोबो साफा-साफा उद्यमयारि सोर्जिनयनि थंखिजो गिबि मन्थि आइजो फालांगि बिथांखिनि सिडाव थाबैनो फोरमान बिलाइ गथायनायनि हाबाफारिखौ जागायजेनाय जागोन होनानैबो बिथाड बिबुंथियाव मख'दो। दिनेनि बे हाबाफारियाव एमपि प्रदान बरुवा, एमएलएफोर फारिये-रन्जित कुमार दत्त, उतपल बरा, नब'कुमार दलेमोनजो लोगोसे माखासे मान गोनां सुबुंफोर बाहागो लाफैयो। बेनि सिगां माजुलियाव हानि पाट्टा गथायनाय मेलायाव बाहागो लानानै गिबि मन्थिआ बुंदोदि, दैमा द्विपयाव जिउ खानाय 50 रोजा नख'रनि गेजेराव गासै 30 रोजा नख'रफोर हानि पाट्टा गैयामोन। बिथाड मख'दोदि, मिसन बसुन्धरा 2.0 नि सिडाव माजुलियाव राइज्यो सरकारआ गां 36,010 अर'ज थिसननायखौ मोन्दोमोन आरो बेनिनो गां 10,932 नि आर'ज थिसननायाव हानि पाट्टा गथायनायनि थाखाय मोनो हाथाव होना गनायथि सायख'जादो। दैमा द्विपयाव गोबां अन्जिमनि सुबुंफोरनिमिसम हानि पाट्टा गथायनो हानाया राइज्यो सरकारनि थाखाय गोजोनथावनि बाथा होनानैबो बिथाड बुडो। गिबि मन्थिआ बुंदोदि, आधिखालनि राइज्यो सरकारनि थाम बोसोर माव बिबान सभावोनो दैमा द्विपसिम मख'जाथाव जौगाखानाय फेदो। दैमा द्विपयाव जोबोद गोखे लामा-लुजानायनि अनगायैबो राइज्योयारि गुदि-बिथा लुनाया माजुलिनि थागिरिफोरनि गोसोयाव मोनसे मख'जाथाव सान्नाय-हनाय लाबोनो हादो। बिथाहा बुंदोदि, बे सभावोनो माजुलिनि सा 700 निखुइबो बांसिन सेंप्रा-सिखलाफोर सरकारि साखियाव थिसन्थाय मोन्दो। गावनि बिथाड माजुलिजो लोगोसे बरपेटा आरो बतद्रबानि बादि आध्यात्मिक जायाफोरखौ हेरिटेज साइट मह होनाया सरैखाथिनायनि थाखायबो राइज्यो सरकारआ थंखि आजावदो। दिनेनि बे हाबाफारियाव एमपि प्रदान बरुवा, एमएलएफोर नब'कुमार दले, आरो भवन गाम, मिसिं अटनमास काउन्सिलनि गहाइ मावफुं सोद्रीमा पर्मानन्द सायेगिया, देउरि अटनमास काउन्सिलनि गहाइ मावफुं सोद्रीमा भैरब देउरिमोनजो लोगोसे माखासे मान गोनां सुबुंफोर बाहागो लादो। गुबुन फारसे गिबि मन्थिआ दिने धेमाजि जिल्लानि कारे चापरनिफ्राय लखिमपुर जिल्लानि टकुवाखाना बिथाबनि मातमयासि 50 कि:मि: गोलाव आरो गेदेर मथर साइकेल रेलियावबो बाहागो लादो। बे रेलिनि समाव गिबि मन्थिआ बारलानाय लामायाव गोबां राइजो-राजाफोर बिथांखौ बरायो।

(1 विलाइनिफ्राय)

कक्राझारआव मुलुग गोजोननि थाखाय महा यज्ञ खुंगोन

मोनाबिलिनि 5 रिगासिम 12 घन्टा मुलुग गोजोननि थाखाय खुंनो गोनां बे महा यज्ञआव आसामनि दाब-दाब जायगानिफ्राय सा 40 रोजानिबो बांसिन भक्तफोर बाहागो लाफैगोन होनानै बे महा यज्ञयाव गहाइ आलासि महैर गिबि मन्थि हिमन्त विश्व शर्मानि अनगायैबो आसाम बिधान सभानि बुंथिगिरि बिस्वजित दैमारी, राइज्यो सरकारनि केबिन्ट मन्थि उर्खाव गोर ब्रह्म, कक्राझारनि दिथागिरि मन्थि अशक सिंहाल आरो बिटिसिनि गहाइ मावफुं सोद्रीमा प्रमद बर' मोनहा बाहागो लागोन। मख'नो गोनांदि, 12 घन्टसिम सोलिनो गोनां बे महा यज्ञआव होनो थाखाय 700 के:जि:निबो बांसिन घि, गोबां कुइन्टेल बन, 800 के:जि:निबो बांसिन मोनबा रोखोमनि फसल आरो 10 कुइन्टेल फिथाइ-सामथाइनि रहा खालामनाय जादो। आफादगिरिनि बादिब्ला बे महायज्ञनि गहाइ थंखिया मुलुग गोजोननिब्लाबो गुबैये ब्रह्म धोराम फसंथानखौ मोननै बाहागोआव गावसानानै दं, बेनिनो मोनसे बाहागोआ दुलाराइ बारहम धोराम आफाद आरो गुबुन मोनसेया स्वरुप स्तिथि प्रसार संसद। बे मोननै बाहागोखो ज' खालामनायनि थंखिजो थानाय 2023 माइथायनि 28 फेब्रुवारीआव ब्रह्म धोराम क-अर्डिनेसन आफादखो दाफुंनाय जादोमोन होनानै दासान्दि नाजालांबाय थारो होनानैबो बिथाड बुडो। गाबोन 28 फेब्रुवारीआव मोनसे मावबादा खुंनाय जागोन होनानैबो बिथाड फोरमायो। खौरं बिजोनि गेजेरजो ब्रह्म धोराम क-अर्डिनेसन आफादनि आफादगिरि ७ अजित बर'आ मुलुग गोजोननि थाखाय खुंनाय महायज्ञआव गुबुन गुबुन दोलो-आफादनि दैदैन्यायाव गुबुन गुबुन धोरामनि धोराम फोसावगिरि आरो गुरुफोरखौ हांखायहरनाय फोरमायो। बिथाड खौरं बिजोनि गेजेरजो हारि धोराम बासियालासे बयखौबो बाहागो लानो थाखायबो खालयायहरो।

बाथौ मन्दि-नाम न'आव

सिखावनि उतखार

बेसादफोरखौबो सिखावफोर खानना लाडे। मख'नो गोनांदि माखासे ड्रगस बाहायग्रा सुबुंफोर खानना लानायनि सन्देह खालामदो ओन्सोलनि राइजो-राजाफोर। थानाय 2-3 दाननिफ्रायनो मन्दिर, बाथौ थानसालि आरो नाम न'निफ्राय रं, फुजा होरा मुवा-बेसाद खाननाय बायदि जाथाया राइजो-राजाफोरखौ उन्दु नाय गैये खालामदो।

बारग' आदिबासि कब्रा

मिलिटारि अन्साय आफादनि...

कब्रा मिलिटारिनि सोद्रीमानि अन्जिमा, सरकारनिफ्राय अन्सुंथाय मोन्याय एककालिनि रंखान्थियारि अन्सुंथाय, केडारनि माखासेया रंखान्थियारि फसंथाननिफ्राय आजावनाय दाहार, गुबुन गुबुन बिथिडाव फसंजानायनि रहा। आद्रा थालानाय केडारफोर सरकारनि मोनो गोनां रंखान्थियारि अन्सुंथाय बायदिनि सायाव जर'खा फोरमायथि होयो। बिथाड मख'दोदि, सा 1,243 केडारफोर सरकारनिफ्राय रंखान्थियारि अन्सुंथाय मोनो आद्रा दड आरो बे केडारफोरखो थाबैनो मोनो गोनां रंखान्थियारि अन्सुंथायखौ गथायनो दाबि खालामो। सांग्रांथियारि मेल आरो सरसनस्ना गौथुमनि मेलयाव कब्रा मिलिटारिनि बारग' बुंथिगिरि, आदिबासि अन्साय आरो जौगाखां गौथुमनि बुंथिगिरि रेलियाययाव थानाय आन्सलिक आबाद संदानग्रा मिरुनि गहाइ बिगियानगिरि ७ सुनिल कुमार पालआ आबाद खामानिनि गेजेरजो खामानियाव थिसनजानायनि गुबुन गुबुन बिथिनि सायाव बिबुंथि लाखियो। सांग्रांथियारि एवा सरसनस्ना गौथुमनि बे गोनांथार मेलयाव गसाइगाव, कक्राझार, पर्वतझार, चिरं, बाक्सा आरो उदालगुरिनि अनगायैबो धेमाजि, सतिनपुर बायदि जिल्लानि मावफारियाफोर आरो केडारफोर बाहागो लाफैहोनानै मिबथिनाय जादो।

(1 विलाइनिफ्राय)

राइज्यो बेंगिरिआ मरिगाव जिल्लायाव सरकारि बिथांखिफोर मावफुंनायखो नायगिदिहैदो

बिथांखिफोर मावफुंनाय आरो खामानि सोलियासिनो थानायनि सायाव गहाइ बिफानगिरिफोरनिफ्राय रोखाये मिबथिनाये लायो। लोगोसे बिथाड मरिगाव जिल्लानि सोलौंथाइ थासारिनि सायावबो खौयां लानायजो जिल्लानि गासै फरायसाफोर जाहाथे सरकारि फरायसालिफोरव फरायनानै गुन गोनां सोलौंथाइ मोनो हायो बेनि फारसेबो गोखो नोजोर लाखिनो सोलौंथाइ बिफाननि गहाइ बिफानगिरिखो खाललायो। दिनेनि बे मेलआव राइज्यो बेंगिरिआ जर'खाये पिएमएवाइ-जि, एमजिएन रेगा, जल जीवन मिशन, पिएमएफबिवाइ आरो पिएमएमएस्वाइ बिथांखिफोरनि सायाव गुवारै सावरयज्ज्नायदो। मरिगाव जिल्लानि एस्पिआ जिल्लायाव सोमजिन्याय दायनिगिरि जाथाय, रैखाथि, आइन आरो आबुथिनि सायाव मोनसे रोखा रिपटखौ राइज्यो बेंगिरिनो गथायो। मेल जथुमखानायनि उनाव राइज्यो बेंगिरिआ मरिगावनि एस्टिएइसजि सिभिल देहा फाहामसालियाव बेरामिफोर आरो जोनोम होगोदान बिमा आरो गथ'फोरखो नायगिदिहैयो। लोगोसे देहा फाहामसालिनि थासारी, देहा फाहामथाय होनायनि खाबुफोरनि सायाव देहा फाहामसालि सामलायगिरि आरो देहा फाहामगिरिफोरजो सावरयज्ज्नायदो।

2024 लकसभा बिसायख थिनि थाखाय

बिजेपि दोलोया साखा-फारा

सायख'फिन्यायनि थंखिजो थानाय माखासे सानफोर सिगांनिफ्रायनो बिथांखि रनसाइ बोबाय थारो। अदेबानि लकसभा बिसायख'थिनि सिगां-सिगांनो बिजेपि दोलोआ हारसिडे मोन 370 नि बांसिन बिबायफोरव देरहानो हागोनखो दाबिबाय थारो। दोलोनि दैदेनगिरिफोर आरो गहाइ मन्थि नरेन्द्र मदिआ गावनि फोथायथिजो बे खेबनि लकसभा बिसायख'थिआव बिजेपि दोलोआ 370 बिबायआव देरहागोनखो मिजिथिदो। गहाइ मन्थि नरेन्द्र मदिआ संसदनि सिडाव फोसावदोमोनदि, बिजेपिआ फेबाय थानाय लकसभा बिसायख'थियाव हारसिडे 370 मासियाव देरहागोन आरो एन्सिए हिसाबे लोगोयारि जुथाइ दोलोनिखौ लानानै गासै 400 नि बांसिन बिबायफोरव देरहासार जानो हागोन। बे थंखिखौ जाफुंसार खालामनायनि थाखाय बिजेपिआ दासान्दि, गोदाने लोगोयारि गोरबथा खालामनायजो लोगोसे गुबुन गुबुन दोलोफोरनि दैदेनगिरिफोरखौ बिजेपिआव बरायबाय थानायखौ नुनो मोन्दो। बिजेपि दोलोनि नोजोरआ लकसभा बिसायख'थियाव 370 बिबाय देरहानायनि सायावल' नड, बबेखानि हादतनि गासै भटनि गेजेराव खावसे भटखौ लानायनि सायावबो नोजोर होदो। बिजेपिआ भारतनि संसदआरि जारिमिनआव बयनिखुइ बांसिन भट मोनो हानाय पाटि जानो हास्थायो। दासिम लकसभा बिसायख'थिनि अक्टखौ फोसावायाखेब्लाबो नाथाय गहाइ मन्थि नरेन्द्र मदि आरो बिजेपिआ उथि सरकार खुंथाइनि माव बिबाननि सोमोन्दै बाध्रा सावरायनायखो जागायदो। गहाइ मन्थि मदिआ गावनि केबिनेट सोद्रीमाफोरखौ फेगौ गोदान सरकारनि सिगां 100 साननि प्लान थियारि खालामनो थाखाय बिथोन होनाय जादो। थंखिसिम सौहैनो थाखाय बिजेपिआ गुबुन दोलोनि दैदेनगिरिफोरजो खाथिये सोमोन्दो लाखिनागोन। फिसा एवा गेदेर राजखाथि दोलोआनो जाया मानो दासान्दि बिजेपिआ गुबुन दोलोनि दैदेनगिरिफोरखौ बिजेपि दोलोआव लाबोनायनि सोलो बाहायबाय थानायखौ नुनो मोन्दो। दोलोनि इंसिआरि सुलुनिफ्राय मिबथिनो मोन्याय बायदिब्ला, अन्ध्र प्रदेशआव टिडिपि-जनसेना पार्टी आरो उत्तर प्रदेशआव राष्ट्रीय लकदलजो बिसायख'थिनि थाखाय गोरबथा खालामनाया फाइनाल जाखाबाय। दासान्दि, पान्जाबआव अकालि दलजोबो सावरायनाया सोलिबाय थारो। बेरेखा दोलो कंग्रेसनि दैदेन्याय इन्डियाआ अजद होनाय बायदिब्ला, थानाय 2019 नि लकसभा बिसायख'थियाव 64 जौखोन्दो भयूरफोर बिजेपिनो भट होयाखै। 2019 नि लकसभा बिसायख'थियाव बिजेपिआ 37.36 जौखोन्दोल' भट मोनो हादो। बेराफारि इन्डिरा गान्धीखौ बुथारनायनि उनाव कंग्रेसआ 414 मासि देरहानानै रेकड सोरजिनो हादोमोन। बे रेकडखौ सिमफायनो थाखाय बिजेपिआ नाजाबाय थानायखौ नुनो मोन्दो। भारतनि संसदआरि जारिमिनआव कंग्रेसआ 49.10 जौखोन्दो भट मोन्यायजो रेकड आरजिनानै दड। दासिम मोनसेबो राजखाथि दोलोआ भट मोनो हायाखै।

लाइमोन समाजखौ भट थुहोनायनि थाखाय

थुलुंगाखां होनो लकसभा बिसायख'थिनि सिगां..

जायफोर बे खेबनि गिबि खेब भट थुगोन, बिसोरखौ थंखिनिबे बिबुंथि लाखिदोमोन। बिसोरखौ लानानै आलादा केम्पेइनि गेजेरजो गोजोर थुलुंगाखांनयखो बांहोनो बोसोन होदो। मंगलबारखालि मिरु मन्थि अनराग ठाकुरआ मोनसे मिउजिक भिडिआ एक्स हेन्डेलआव पस्ट खालामना होदो। भिजिअखौ लाइमोन समाजनि फारसे नोजोर लानानै सोर्जिन्या जादो। 'मेरा पेहेला भट देश के लिये केम्पेइ' फोसावदिनायनि थाखाय बे जर'खा थंखिखौ आजावना लादो मिरु सरकारआ।

मानास माहारियादि हाग्रामायाव मैदेर सान्नाया...

हाबाफारिखौ लादोमोन। मख'नो गोनांदि, सान्ना हाबाफारिनि फोरमान बिलाइफोरखौ नायबिजिगरिनिमिसम दैथाय हरनायनि उनाव मैदेरनि अन्जिमाखौ थि खालामनाय जागोन। 2019 माइथायनि मैदेर सान्नाया हाबाफारि बादिथे मानासनि मोन 3 रेन्ज बासबारि, भुजापार आरो पानबारिआव मैदेरनि अन्जिमाया 1 1034 मोन। बे खेबाव मानास माहारियादि हाग्रामायाव गोदाने कुक्कु रेन्जखौ सोसन्नायनि जाउनाव ओन्सोला बांनयनि जाउनाव मैदेरनि अन्जिमायावो सिगांनि रुजुनायाव बांगोन होनानै मिजिथिनाय फोरमायदो मानास माहारियादि हाग्रामानि बिबानगिरिआ। गुबुन फारसिंथि, मोसानि थाखाय मुंदंखा मानासआव थानाय दानसे सिगां केमेरा ट्रेपिनि गेजेरजो बोसोरारि मोसा सान्नाया हाबाफारियाबो खुंफुजायो। नायबिजिगरिआ मिथिहोनायनि उनावसो मोसानि अन्जिमा बांनयनि सोमोन्दे मिथिनो हागोन्ब्लाबो मानासआव मोसानि अन्जिमाया सिगांनि रुजुनायाव बांगोन होनानै मिजिथिनाय फोरमायदो।

आबाद बिज्ञान मिरुआव बिज्ञानिक बोसोनगिरि

आफादनि सावराय मेल खुंदो

आहमेदआ दैदेनो। बे सावराय मेलाव जर'खा आलासि महैर बाहागो लायो शरत चन्द्र सिंह आबाद मुलुगसोलौंसालिनि लोगो बिज्ञान गुरु ७ रन्जित शर्मा आरो आसाम आबाद मुलुगसोलौंसालिनि लोगो रिसास बिथोनगिरि ७ एड्स के भट्टाचार्यआ। बिज्ञानिक बोसोनगिरि आफादनि बे हाबाफारियाव फेगौ 2024-25 रंखान्थि बोसोरनि थाखाय आबाद बिज्ञान मिरु, धुबुरिआ आजावनाय गुबुन गुबुन आन्जादरि आबाद, दिन्थिफुं आबाद, आबादारिनि फोरंथाय आरो गुबुन फेहेरथाय हाबाफारिफोरनि सोमोन्दे फोरमायनानै होयो। मख'नो गोनांदि, 2024-25 बोसोरनि थाखाय मावफुंनो गोनां खामानिफोरखौ गुबुन गुबुन बोसोन होनायनि गेजेरजो आफादनि आफादगिरि, जर'खा आलासि आरो गुबुन बिफाननि बिबानगिरिफोर गनायथि होयो। बे हाबाफारियाव बाहागो लानाय गुबुन गुबुन बिफाननि बिबानगिरि, सायख' जानाय आबादारि, सरकारि नडे फसंथान आरो भलेन्थियारि आफादनि बिबानगिरिफोर गाव-गावनि बोनि होनानै गासैबो दिगनिफ्राय बे मेलखौ जाफुंसार होयो। बे मेलाव थंखि बेखेवनानै होनायजो लोगोसे साबायख'र बाउनाय बिबुंथि होयो गागि बिज्ञानगिरि ७ फकर उदिन आहमेदआ। बे मोनसे आयदाखो लानानै बेलासिनि 2 रिगानिफ्राय बडाइगाव जिल्ला आबाद बिज्ञान मिरुनि सावराय जथुमखौ नर्थ बडाइगावनि हटेल जारुबोआव खुंनाय जायो होनानै बडाइगाव जिल्ला आबाद बिज्ञान मिरुनि बिबानगिरि ७ फकर उदिन आलि आहमेदआ मिथिहोयो।

जेब्ला बिबेक अबेरयखौ नासयदोंमोन अब्ला अक्षय कुमार बिथांखौ मदत खालामदोंमोन

बिबेक अबेरयनि के रियारआ रहित शेड्टीनि 'इन्डियान पुलिस फर्स' वेब सिरिजनि गेजेरजों ट्रेकआव फेफिन्तो हागौ। नाथाय सासे गिदिर फावखुंगुर जानानैबो बिथाड सावथुन मुलुगआव सावथुन मोन्तो थाखाय गोबां जुजिदोंमोन। सलमान खानजों नालायनायनि उनाव बिथाड खम सावथुनफोर मोन्दों। आधिखालाव बिबेक अबेरयआ फिन खेबसेबाव गावनि वेब सिरिजनि थाखाय गिबि खौरांआव दं। आधिखालाव बिथाड गावनि केरियारनि बै समखौ गोसोखांदों जेब्ला बलिउडनि मोनसे थाखोआ बिथांखौ नेवसिनायनि उनाव बिथाड सावथुन मोनाखैमोन,



जायनि जाहोनाव बिथाड जोबोद दुखु मोन्दोंमोन। मिर्ची प्लसनी होनाय मोनसे मोगा-मोगियाय 'युवा' सावथुनि फावखुंगुर बिबेक अबेरयआ गावनि केरियारनि बयनिखुइ गोब्राबसिन खोन्दीनि बागै कुलायै बुंदों। गावनि दुखुखौ खोन्थानानै बिथाड बुंदोंदि, बिथाड मोजां सावथुनफोर खालामगासिनो दंमोन, जाय

बक्स अफिसआव जाफुंसार जागासिनो दंमोन। बिथाड एवार्डसबो मोन्तो हादोंमोन, नाथाय मोजां खामानि मोनाखैमोन। बिबेक अबेरयआ बुंदोंदि, जेब्ला बलिउडनि मोनसे थाखोआ बिथांखौ नेवसिदोंमोन, अब्ला बेयो बिथांनि जिउनि बयनिखुइबो गोब्राबसिन खोन्दीमोन। गावनि गात्रि समफोरखौ गोसोखांनानै

बिथाड बुंदोंदि, जेब्ला बिथाड गावनि केरियारनि गाहायसिन थाखोआव दंमोन, अब्ला अक्षय कुमारल' बिथांखौ मोजाडै दंन गैया होन्ना बिथांनियाव सोंदोंमोन। भिभेक अबेरयआ बुंदोंदि, जेब्लानो बिथाड अक्षय कु मारजों रायज्जायदोंमोन बिथाड बै थासारिनि सायाव गावनि गासैबो रगाखौ ओंखार होदोंमोन। गावनि बाश्राखौ सिगांथिं लानानै भिभेक अबेरयआ बुंदोंदि, अक्षय कुमार रायज्जायनायनि खावसे घन्टानि गेजेरावनी बिथांनि न'आव फेदोंमोन आरो बिथांखौ मदत

खालामदोंमोन। बिथाड बुंदोंदि, अक्षय कुमार बे लबो खान्थिनि बेरेखा खालामगोन होन्ना बुडाखैमोन नाथाय अक्षय कुमार बिथांनो मोनसे मोखथाडरि सुबुरुन होदोंमोन, जाय बै समव बिथांखौ जोबोद मदत खालामदोंमोन। मिथिहोनाय जायोदि, बिबेक अबेरयआ 2002 माइथायाव 'कम्पानी' सावथुननि गेजेरजों गावनि केरियारखौ जुरिजेन्दीमोन। बे बोसोरावनी बिथांनि मोनथाम गिदिर सावथुन रोड आरो साथिया सावथुनखौबो फोसावनाय जादोंमोन।

'12 वि फेल' सावथुनि फावखुंगुरि मेधा शंकरआ गावनि जाफुंसासनायनि बागै फोरमायदों



मेधा शंकरआ जिउ खौरांआरि थुनफावथाय सावथुन '12 वि फेल' सावथुनआव गावनि फाव खालामनायजों बयनिबो गोसोखौ बोनी हादों। बे सावथुननि उनाव बिथांजोआ हसेनि गेजेराव सासे स्टर जायो। भिक्रान्त मेसी, मेधा शंकर आरो गुबुन फावखुंगुरफोर भिधु भिनद चपडानि '12 वी फेल' सावथुनआव गावसोरनि फाव खालामनायजों बयनिबो गोसोखौ बोनी हादों। मेधा शंकरआ सावथुननि ब्रेकआउट स्टर महरै नुजाथिदों आरो अन्सायगिरिफोर बिथांजोनि दिन्थिफुनायखौ बाख्नायगासिनो दं। मेधा शंकरआ गावनि मुंखौ मुंदोखा खालामनो थाखाय गोब्राब खामानि मावदों आरो जुजिदों, जायनि बागै जोबोद बाडइ सुबुफोरा मिथिगौ। बावैसो जानाय मोनसे मोगा-मोगियाव बिथांजोआ 12 वी फेल सावथुननि बे फावखौ माबोरै मोन्तो हादोंमोन, बेखौ फावखुंगुरिआ फोरमायदों। बिथांजोआ फावखुंगुरि महरै गावनि दावबायनायखौ 2018 माइथायाव मुम्बाइयाव जुरिजेन्दीमोन। 2022 माइथायाव मेधा शंकरआ गिबि खेबनि थाखाय मोनसे कास्टि एजेन्सआव मोनसे सावथुननि थाखाय अडिशन होदोंमोन। बेनि उनाव मेधा शंकरआ भिनद चपड आरौ गासै टीमजों मोनसे स्क्रीन टेस्टस खालामदोंमोन आरो जोबनायाव बे बिथांखिखौ मोन्तो हादोंमोन। मेधा शंकरआ आइएमटीभिजों मोनसे रायज्जायनायाव बुंदोंमोन। बिथांजोआ 2018 माइथायाव सासे आरिमुगिरि जानो थाखाय मुम्बाइ फेदोंमोन नाथाइ बिथांजोआ गोबां जेनाफोरजों मोगा-मोगि जानांदोंमोन। सानसेखालि बिथांजोनि बेंक एकाउन्टआव 275 रंल' दंमोन। नाथाय बेनि उनावबो बिथांजोआ गावनि जुजिनायखौ नागाखैमोन। मिथिहोनाय जायोदि, मेधा शंकरआ '12 वी' सावथुननि अनगायैबो मेक्स मिन और मे भजाकी, दिल बेकार आरो शादीस्थान बायदि सावथुनफोराव खामानि मावदोंमोन। 12 वी फेल सावथुनआ मेधा शंकरनि जिउखौ सोलायहोबाय। बे सावथुनआ आइपिएस मावख 'गिरि मनज कुमार शर्मा' आरो आइआरएस मावख 'गिरि श्रध्दा जशीनि नंगुबै जिउनि सल 'फोरनिफ्राय थुलुंगानाय।

'लापाता लेडीज' सावथुननि रिलिजनि सिगां खाननि टी-शार्टआ नोजोर बोनी हादों

आमिर खानआ गावनि फैनी गोनां सावथुन 'लापाता लेडीज' सावथुननि फोसावनायाव मुखुब जाना दं। बे सावथुनखौ बिथांनि बाग बिसि किरण रावआ दिथा होदों, बे सावथुना 1 मार्चआव रिलिज जागोन। आधिखालाव सावथुननि हान्जाया हादरनाडै नो सावथुननि फोसावनायाव मुखुब। आमिर खानआ गावनि बाग' बिसि किरण रावजों 'लापाता लेडीज' सावथुननि फोसावनायनि थाखाय पुणे सौहैदों। सरासनसायै, आमिर खानखौ राइजो-राजानि सिगाडाव जोबोद खम नुनो मोन्नाय जायो, बेबादि थासारियाव जेब्ला बिथांखौ बावैसो नुनाय जादोंमोन, अब्ला फावखुंगुरनि टी-शार्टआ बयनिबो गोसोखौ बोनी हादों। बे समाव आमिर



फोथाराव फै फिनगासिनो। जाय स्टुडियजों फोरमायजानाय 'लापाता लेडीज' सावथुन किरण रावजों दिथा होजानाय आरो आमिर खान आरो देशपान्डेजों दिहुनजानाय। बे सावथुनखौ आमिर खान प्रडाक्शन आरो कि नडलिंग प्र डाक्सनि बेनारनि सिडाव दिहुन्नाय जादों, जाय सावथुननि स्क्रि नप्लेआ बिप्लब गस्वामीनि एवार्ड देरहानो हानाय सल नि सायाव बिथा खालामनाय।

माहाम देहानि राहा

मैथुखौ फिथाइखौ उदै खालियाव जानायजों उदैयाव जमा जानानै थानाय मैलाखौ साफा खालामनो हायो

मैथुया मोनसे फिथाइ जायखौ मानसिफ्रा मोजाडै जायो। बेनि बिदेंजों आबुं गोदै स्वादखौ फ्राय बयबो मोजां मोनो। नाथाय नोंथाड मिथियो ना बे फिथाइया जानो गोथावल' नड। बेखौ जानायजों नोंथानि सावसिखौबो साबसिन लाखियो। बे फिथाइया भिटाभिन आरो खनिजफोरजों लोगोसे पटेशियाम, फाइबर आरो फलेट गुनफोरजों बुंफनाय, बेनि अनगायैबो बेवहाय पेपेन एन्जाइमबो थायो जाय नोंथांखौ गोबां जेनाफोरनिफ्राय उदां खालामो। जुनियारै, जुदि नोंथाड उदैनि जेनाफोर दडब्ला बे फिथाइया नोंथानि थाखाय अमृत बायदि जायो। जाय सुबुंफोरहा कनस्टियेसननि जेना दं बिसोर फुडव आन्त्र सोमावनायाव गोबां गोब्राब जायो। जुदि नोंथाडबो बे जेनाजों मोगा-मोगि जानांदोंब्ला फुडव माखासे मैथु जानाय नोंथानि थाखाय माहाम जागोन। मैथुयाव एन्जाइम थायो। पेपेन एन्जाइमआ आदारखौ हजम खालामनायाव मदद खालामो आरो मोनसे इयुनिट बुस्टार महरै खामानि मावो। सानफ्रोमबो फुडव उदै खालि समाव मैथुखौ जायोब्ला हजम खालामनाया गोखै जायो। मुलाम्फा गोनां मुवा। बेखौ मथुया नोंथानि देहाखौ



डिटक्सिफाइ खालामो, बेखौ जानायजों मैला मुवाफोरखौ देहानिफ्राय गोरलैयै बोखरानाय जायो। बेनि अनगायैबो जायफोरा। फुडव स्टुल बारहोनायाव गोब्राब जायो बिसोरनि थाखाय अमृत बायदि जायो। बेखौ जायोब्ला नोंथाड स्टुल खालामनायाव गोरलै जागोन। बेनि अनगायैबो, जुदि नोंथाड कनस्टेज, हजम जानाय, गेस बायदि जेनाजों मोगा-मोगि जानांदों, अब्ला थारैनो बेखौ जा। बेखौ जानायजों नोंथानि जाग्रा खान्थिया गोखों जागोन आरो उदैनि पिपए थाखोआबो समान्थि जागोन। माखासे जेनाफोराव मैथुआ गोहोम गोनां।

1. बिखानि थाखाय मोजां: जुदि नोंथानि कलेस्ट्रलआ बाडे अब्ला उदै खालि समाव मैथु जा। बेयो गात्रि कलेस्ट्रलनि थाखोखौ बाडइ खालामनो हागौ। मैथुयाव पटेशियमबो थायो, जाय ब्लाड प्रेसारनि बेरामिफोरनि थाखाय मोनसे मुलाम्फा गोनां मुवा। बेखौ जाब्ला नोंथाड हार्ट एटेक,

स्ट्रक, करोनरी हार्ट बेरामनिफ्राय गावखौ रैखा खालामनो हायो। 2. लिर थाइ खमायनायाव हेफाजाबगिरि: जोबोद बाडइ सुबुंफोरा मिन्थिगोनदि, मैथुया लिर थायखौ बाडइ खालामनायाव हेफाजाब होयो। बेखौ जानायजों देहायाव गोहो मोनो आरो उफ्रा मेजेमखौ बाडइ खालामो। फुनि जानायाव मैथुखौ सालादआवबो बाहायनो हायो आरो बेयाव गोसोम सखि आरो गुलमुरिसबो होनो हायो। 3. होबथानो हानाय गोहोखौ गोखों खालामो: जुदि नोंथानि होबथानो हानाय गोहोआ लोरबां अब्ला नोंथाड सानफ्रोमबो मैथु जानांगौ। मैथुयाव थानाय एन्टी-अक्सिडेन्टआ नोंथानि होबथानो हानाय गोहोखौ गोखों खालामो। बे जाहोनि थाखायनो बे फिथाइखौ उदै खालियाव जानाया होबथानो हानाय गोहोखौ गोखों खालामो आरो नोंथांखौ बेराम आरो सन्देरनायनिफ्राय लोरबां जानायनिफ्राय रैखा खालामो।

'चमकिला' सावथुननि रिलिजनि अक्टखौ फोसावबाय



इम्तियाज आलिनि 'चमकिला' सावथुना गोबाव समनिफ्रायनो सावरायजागासिनो दं। दिलजीत दशास्नि फैनी गोनां सावथुन 'चमकिला' सावथुननि रिलिजनि अक्ट'आ ओंखारबाय। बे सावथुनाव पान्जाबि रोजाबगिरि दिलजीत दसानस आरो फावखुंगुरि परिणीती चप्राया गावसोरनि गोहोगोरा जराजों मोनसे दोहौ खोखैनी थियारि। बबेखानि बे सावथुना थिये टारफोराव नडा नाथाय अटीटी प्लेटफर्मआव फेगोन।

अमर सिंह चमकीला सावथुना बैसाखीनि गोथार बुब्बियाव रिलिज जानो थाखाय थियारि जाबाय। दिलजीत दीसानस आरो परिणीति चपड स्टर चमकीला सावथुना अटीटी प्लेटफर्म नेटफ्लिक्सआव स्ट्रीम जागोन। नेटफ्लिक्सनि मावख'आरि इन्स्टाग्राम हेन्डेल'आ मोनसे भिडिअ शेयार खालामनानै मोनसे जरखा आपडेट होदों। भिडिअआव दिलजीत दीसानसनि मोनसे नुथाइखौ नुनो मोन्दों। शशेल मिडियाआव

सुबुंफोरा बे सावथुनखौ नायनो थाखाय आरोबाव बांसिन गोसो गुदुं जाबाय। बे सावथुना नेटफ्लिक्सआव 12 एप्रिल 2024 माइथायनिफ्राय स्ट्रीम जागोन। दिलजीत दीसानस आरो परिणीति चपडानि 'चमकीला' सावथुननि सल'आ पान्जाबनि रकस्टार अजर सिंह चमकिलानि जिउनि सायाव बिथा खालामजानाय। बे सावथुनखौ इम्तियाज आलिआ दिथा होदों। दिलजीत दीसानसखौ 'चमकीला' सावथुनाव अमर सिंह चमकिलानि फावआव नुनो मोनगोन। फारसेथिं परिणीति चपडखौ अमरजीत कौरनि फावआव नुनो मोनगोन। चमकिला सावथुनाव दिलजीत दीसानस आरो परिणीति चपडखौ गिबि खेबनि थाखाय स्क्रीन शेयार खालामनाय नुनो मोनगोन।


बिद्युत जामालआ सासे सावथुन क्रिटिक्सनि सायाव घुस बिनायनि गोब्राब दाय होदों

सावथुन मुलुगनि साहसगोनं बिद्युत जामालआ गावनि पिटनेस आरो अक्सनि थाखाय जेब्लाबो खौरडव थायो। आधिखालाव फावखुंगुर गावनि 'क्रेक' सावथुननि थाखाय खौरांआव दं। बेल सावथुनाव बिद्युत जामालखौ फिन खेबसेबाव गावनि गिथावना स्टन्टफोरजों सुबुंफोरनि गोसो बोनायखौ नुनो मोन्दों। नायगिरिफोरा सावथुनखौ थिये टारफोराव जोबोद मोजां मोनदों आरो बे सावथुननि सायाव गावसोरनि अनसायनायखौ होगासिनो दं। बेनि गेजेराव, बावैसो बिद्युत जामालआ मोनसे पस्ट शेयार खालामनानै बयनिबो गोसोखौ बोनी हादों। गुवैयै बावैसो बिद्युत जामालआ गावनि बाग' सावथुननि सायाव मोनसे पस्ट शेयार खालामनाय समाव सासे सावथुन क्रिटिक्सखौ घुस बिनायनि दाय होदों। फावखुंगुरआ गावनि एकाउन्टआव फोरमान महरै सावथुन क्रिटिक्सनि एकाउन्टनि मोनसे स्क्रिनसट फोसावदों। आधिखालाव बिद्युत जामालनि बे पस्टआ शशेल मिडियाआव भाइरल



जागासिनो दं। अनसायगिरिफोरा बे पस्टनि सायाव गुबुन गुबुन रोखोमै फिनजाथाइ होदों। मिथिहोनाय जायोदि, 'क्रेक' सावथुनआव गोहोगोरा फावखुंगुर बिद्युत जामालनि एक्शन अबतारआ अनसायगिरिफोरजों अनसाय जागासिनो दं। भिद्युत जामालनि अनगायैबो अर्जुन रामपलआबो नवरा फातेह आरो एमी जेक्सनजों लोगोसे बे सावथुनाव मोनसे गोनां फाव खालामदों। बे सावथुनखौ 23 फेब्रुवारीआव थिये टारफोराव रिलिज खालामनाय जादों। बे सावथुनखौ आदित्य दत्तआ दिथा होदों।

जिमी किमेलआ थाम बोसोरनि उनाव बानजायगिरि महरै फेफिन्दी



बयनिखुइबो मान गोनांसिन बान्थाफोरनि गेजेराव मोनसे अस्कार बान्थानि सावरायनाया फिन खेबसेबाव सोलिगासिनो दं। बान्था होनाय फोर्बोआ साननैसोनि उनावनो खुंजानो थांगासिनो दं। बे समावनो गिबि खोन्दीआव हाबाफारिखौ दिन्थिफुनाय स्टरफोरनि मुनिफ्राय पर्दाखौ बोखरानाय जादों। बेफोरनि गेजेराव अल पचिन निफ्राय लानानै जेनदयासिम गोबां मुंदांखा स्टर दं। 96थि एकादेमी बान्थाजों सोमोन्दी थानाय आरोबाव मोनसे गाहाइ आपडेट

ओंखारदों। थाम बोसोरनि उनाव जिमी किमेलआ हस्त महरै अस्कार एवार्डसआव फेफिनगासिनो दं। अस्कार बान्थाखौ 10 मार्चआव खुंनय जागोन। बान्था देरहानो थाखाय मुं सायख'जानायखौ बे बोसोरनि जागायजेनायाव 23 जानुवारियाव फोसावनाय जादोंमोन। एखे समावनो, अस्कार दिन्थिफुगिरिफोरनि गिबि सेटआव सोफादेरनाय मुंफोरखौ 27 फेब्रुवारियाव फोसावनाय जादों। जेन्डाया, मिशेल फाइफर, अस्कार बान्था मोनगिरि निकलास केज आरो

अल पचिन'आ दिन्थिफुगिरिफोरनि गिबि जथाइयाव दं। फारिलाइआव माहेरशाला आली, जेमी ली कर्टिस, ब्रेन्डन फ्रेजर, जेसिका लं, मेथु मेकनौटी, लुपिता न्यंगो, के ह्वी क्वान, मिशेल येह आरो सेम रकवेलबो दं। अस्कारआव बाहागो लानाय गुबुन दिन्थिफुगिरिफोरखौबो थाबैनो फोसावनाय जागोन। जिमी किमेलआ अस्कारआव बानजायगिरि महरै फेफिनगासिनो। फ्राय 3 बोसोरनि उनाव बिथाड बे हाबाफारियाव बाहागो लागोन। जिमीआ दासिम खेबथाम अस्कार बान्थाखौ खुंखांबाय आरो आधिखालाव ब्रैथियाव अस्कार बान्थाखौ सामलायनो थांगासिनो दं। राज कापुर (श'रनार), मली मकननी आरो केटी मुलानाया 96थि एकादेमी बान्थाखौ दैदेनगासिनो दं। अस्कार 2024 नि मुं सोलायनायनि बाथा बुडेब्ला, बे खेबाव क्रिस्टफार नलननि सावथुन 'अपेनहाइमर'आ गोहोम खोखलैदोंमोन। बेनि अनगायैबो, निशा पाहुजानि 'दु किल ए टाइगर'आबो मुं सायख'जानायनि फारिलाइयाव दं, बेयो अस्कारआव बयनिखुइ साबसिन मोखथाडरि सावथुननि थाखाय मुं सायख'जादों।

फिसाजो भामिका कहली आरो भिरात कहलीनि सावगारिआ भाइरेल जादों



भिरात कहली आरो अनुस्का शर्माआ बि-टउननि बयजोंबो मोजां मोनजाग्रा जराफोरनि गेजेराव मोनसे। बिसोरनि केमिस्ट्रीआ गोबां समावनो हेडलाइन्सआव थायो। बावैसो भिरात कहली आरो अनुस्का शर्मानि न'आव फिसाज्ला आकेनि जोनोम जायो, जायनि सावगारिखौ अन्सायगिरिफोरा नायनो गोसो गुदुं जानानै दड। बे समावनो लन्डननि भिरात कहलीनि मोनसे सावगारिआ सावरायजागासिनो दड। अनुस्का शर्माआ लन्डनआव सासे फिसाज्ला जोनोम होदों। बिथाड 15 फेब्रुवारिआव गावनि नैथि गथ' जोनोम होदों। एखे समावनो आकेनि जोनोमनि उनाव भिरात कहली आरो अनुस्का शर्माआ लन्डनआव थागासिनो आरो बिसोर माखासे समनि थाखाय बेयाव थानो सानथांखि बानायदों। बे समावनो भामिका कहलीजों भिरात कहलीनि मोनसे सावगारिआ बैयाव थानाय रेस्टुरेन्टनिफ्राय नुजाथिदों। जाय सावगारिआ अन्सायगिरिफोरनि गोसोखौ बोनी हादों। भिरात कहलीखौ गोबां समावनो फिसाजो भामिका कहलीखौ जोथोन लानाय आरो खेलायनाय नुनो मोन्दों। बेनि थाखाय गोबां खेब ससेल मिडिया बाहायगिरिफोरा बिथांखौ बाख्नायदों। दायो लन्डननिफ्राय ओंखारनाय सावगारिआव भिरात कहली आरो भामिका कहलीखौ माबा मोनसे जानाय नुनो मोन्दों। बे समावनो अनुस्कानि नुजाथियैनि जाहोनाव अन्सायचगिरिफोरा बिथांखौ फिसाजोजों सम हगारदों होनानै सान्दों। अनसायगिरिफोरा अनुस्का शर्माखौ चकड़ा एक्सप्रेस, सावथुनआव नुगोन। बे सावथुनआ मोनसे स्पर्टस ड्रामा सावथुन जागोन, जेराव अनुस्का शर्माखौ क्रिकेटर जुलान गस्वामीनि फावआव नुनो मोनगोन।

आमिर खानआ गावनि फैनी गोनां सावथुन 'लापाता लेडीज' सावथुननि फोसावनायाव मुखुब जाना दं। बे सावथुनखौ बिथांनि बाग बिसि किरण रावआ दिथा होदों, बे सावथुना 1 मार्चआव रिलिज जागोन। आधिखालाव सावथुननि हान्जाया हादरनाडै नो सावथुननि फोसावनायाव मुखुब। आमिर खानआ गावनि बाग' बिसि किरण रावजों 'लापाता लेडीज' सावथुननि फोसावनायनि थाखाय पुणे सौहैदों। सरासनसायै, आमिर खानखौ राइजो-राजानि सिगाडाव जोबोद खम नुनो मोन्नाय जायो, बेबादि थासारियाव जेब्ला बिथांखौ बावैसो नुनाय जादोंमोन, अब्ला फावखुंगुरनि टी-शार्टआ बयनिबो गोसोखौ बोनी हादों। बे समाव आमिर

आमेरिकानि हादतगिरि ज' बाइडेनआ सिजफायारखौ लानानै गिदिर बिबुंथि होदों

गोदान दिल्ली, 27 फेब्रुवारी : आमेरिकानि हादतगिरि ज' बाइडेनआ फेगौ समबारसिमाव इन्नाइल आरो हामासनि गेजेराव सिजफायार जागोन होना मिजिं थिदों। बिथाडा बुंदों, जों बे थांखिनि खाथियाव सौहेबाय। सिएनएननि मोनसे सौंथिनि फिन्नायाव बाइडेनआ बुंदों। जों फेगौ सप्ताहनि जागायजासिमाव बे फिथाइसिम सौहेनो हागोन होना मिजिं थिदों। बबेखानि आनि माहारियारि रैखाथि बोसोनगिरिया जों बे थांखिनि खाथियाव सौहेबाय होना आनो फोरमायदों होना बाइडेनआ बुंदों। नाथाय बे थांखिया दासिमबो आबु जायाखै। सिएनएननि बायदिल्ला बेनि सिगां थांनाय समबारखालि हामासआ जोबथेना लाखिजानाय रादायनि थाखाय



सावरयनायाव माखासे गाहाइ दाबि दैखानायफोरखौ मदत खालामदों आरो गाजायाव दावहाखौ होबथादों। आथिखालाव इन्नाइलआ हामासनि बे पजिशनखौ गोब्राबे फोरमायदों। सुलुंनि बायदिल्ला सावरयाग्रा मोनै बाहागोया मोनसे जागायजेनाय रादायसिम सौहेखांबाय, जायजों दावहाया थानो हागौ आरो इन्नाइलनि जोबथेना लाखिजानायफोरनि मोनसे हान्नाखौ हगारनो हागौ। अदेबानि आमेरिका मिश्र आरो

हाबाय। हामासआ बे रादायनि सिगां पेजनि थाखाय गावनि आखुखौ गुरैथै दिन्थिदों। बेजों सिजफायारनि मिजिंआ बांदों। खौरनि बायदिल्ला इन्नाइल आरो हामासनि गेजेराव सिजफायारनि रादायखौ माखासे पेजआव फोसावनाय जागोन। इन्नाइल आरो हामासआ 6 सप्ताहनि दावहा दोन्थ'नाय रादायाव जोबथेना लाखिजानायफोरखौ हगारगोन। अदेबानि हामासआ सिगाडाव सा 40 इन्नाइलनि जोबथेना लाखिजानाय फोरखौ हगारगोन। बेनि उनाव इन्नाइलआबो गावसोरनि जेलफोराव जोबथेना लाखिनाय फिलिस्ताइन के दिफोरखौ हगारगोन। आथिखालाव सिजफायारखौ लानानै मावख'यारि महरै जेबो बिबुंथि फेयाखै।

तालिबानआ रोजा रोजा सुबुंफोरनि गेजेराव आरोबाव सासे सुबुंखौ फासि होदों

काबुल, 27 फेब्रुवारी : तालिबानआ सा आफगानिस्तानआव बुथारनायनि दायनिगिरि सुबुंखौ थांनाय समबारखालि मोनसे स्टेडियामआव राइज्योआरि महरै फासि होयो आरो रोजा रोजा सुबुंफोरा बेनि साखि जायो। सासे नुगिरिनि बायदिल्ला फासि होनाया जजजान ओन्सोलनि राजथानि शिबिरगान सहयाव जादों। जेराव भुगिनांग्रानि फं बाया दायनिगिरिखौ राइफलजों खेबबा गुलि गावयो। मिबथिनो मोन्नाय बायदिल्ला स्टेडियामनि खाथि-खाला गोखौ रैखाथि बेब'स्था दडमोन। थांनाय 2021 नि आगस्ट दानाव आमेरिका आरो नाट'नि सान्थिफोरखौ आबुडे आफगानिस्तान नागारनायनि आरो तालिबान खुंथायाव फेनायनि उनिफ्राय बियो 5 थि खेब राइज्योआरि फासि



होनायमोन। तालिबान सरकारनि बिबानगिरिफोर आथिखालाव बे केसनि सायाव जेबो बिबुंथि होयाखै। बबेखानि हादतनि गंथाम हाइकर्टफोर आरो तालिबाननि साबसिन दैदेनिगिरि मुल्ला हिबुल्ला अखुन्दजादानि

गनायथि होनायनि उनाव समबारखालि बे फासिखौ होनाय जायो। फासिनि दौलेंआव बोनजानाय फरियाव ओन्सोलनि बिलचिराग जिल्लानि नजर महम्मदआ फरियाबनिनो थागिबि काल

महम्मदखौ बुथारदोंमोन आरो बे बुथारनाय जाथाया जजजानआव जादोंमोन। खोला सान्जा गजनी ओन्सोलाव थांनाय बृहस्पतिवारखालि तालिबानआ बुथारनाय केसआव दायनिगिरि सानै सुबुंफोरखौ फासि होदोंमोन।

इलेक्ट्रि साखा खबनै गारिफोरनि बेसेना 25 जौखोन्दो खमायदों


गोदान दिल्ली, 27 फेब्रुवारी : हादतआव साखा खबनै एलेक्ट्रिक गारि बायनाया आथिखालाव गोरलैसिन जाना फेबाय। माखासे एलेक्ट्रि साखा खबनै गारि बानायग्रा कम्पनीफोरा 2-3 दानफोरनि गेजेराव गावसोरनि गाहाइ मडेलफोरनि बेसेनफोरव 20-25 रोजा रं (25 जौखोन्दो) सिम खमायना होदों। बिसोर एन्ट्रि लेबेल मडेलफोरनि बेसेनफोरव एबारेसयै 15-17 जौन्दोसिम दावखलायहोदो। बेसेन दावखलायनायनि गाहाइ जाहोना साखा-खबनै इभिखौ बांसिनै आपडेल खालामनानै बेनि बेसेन नायनानै बांहोनाय हादतआव सिगांनिफ्राय थाखानाय पेटल साखा खबनै गारि बानायग्राफोरा इलेक्ट्रि मेनुफेक्चारिआव माखासे नेम-खांथिखौ आजावना लादों। बेजों बे सेक्टरआव जौगाखानाय बांगसिनो गड। मेनुफेक्चार



बेटारिनि बेसेनाव मोनगासिनो दड। बेनि अनगायै दाव खलायनायनि लिटियाम आयन बेटारिनि मुलाम्फाफोरखौबो अप्पन महरै गुबुन बाहायगिरिफोरनि सिसम बेटारिफोरखौबो गोखेसिनै सौहेहोगासिनो। इभि बेटारि एक्सपार्ट आरो इभि इनाजिनि सिइअ संयग टिवारीया बुंनाय बायदिल्ला, भारतजों लोगोसे मुलुगनि माखासे हादतफोरव लिटियामनि बाखि मोन्नायनि उनाव इभि बेटारिनि बिथिडव चीननि बानायग्राफोरा गावसोरनि मार्केट शोयाराव दावखलायनायखौ नुनो बेसेनफोरव खमायदों।

पिएम मदिया मिशन गगन याननि अखांमा दावबायारिफोरनि सिनायथि होदों

तिरुबनन्तपुरम, 27 फेब्रुवारी : भारतनि स्पेस मिशनखौ लानानै गाहाइ मन्थि नरेन्द्र मदिया दिने मोनसे गिदिर बाथा फोसावदों। गाहाइ मन्थिया दिने बै साब्रै अखांमा दावबायारिफोरनि सिनायथि होयो। जायफोरा भारतनि गिबि सुबुंथियारि स्पेस मिशन गगन याननि थाखाय सायख'जादों। थांनाय 2018 आव जेब्ला पिएमआ हादतनि गिबि सुबुंथियारि स्पेस मिशन गगनयानखौ फोसावदोंमोन। बै समनिफ्राय लानानै दासिमाव बे पायलटफोरनि सिनायथिखौ सिरियै लाखिदोंमोन। इसर'नि सुलुंनि बायदिल्ला, भारतयारि अखांमा सान्थियाव साबसिन तेस पायलट महरै सिबिथाइ होबोबाय थानाय विं कामान्दर एबा ग्रुप केप्टेन मासियाव सिबिथाइ होनाय साब्रै सुबुंफोरखौ बे



मिशननि थाखाय सायख'नाय जादों। बिसोर साब्रै या बे मिशननि थाखाय लांथियै ट्रेनि खालामगासिनो दड। मिश्र सुलुंनि बायदिल्ला प्रसेन्जित नायर, अंगद प्रताप, अजित कृष्णन आरो चौहानआ बे साब्रै तेस पायलट, जायफोरखौ इसर'आ गावसोरनि गगन यान मिशननि थाखाय सायख'दों। अदेबानि गाहाइ मन्थि नरेन्द्र मदिया तिरुबनन्तपुरमनि बिक्रम साराभाइ स्पेस सेन्टरआव सौहेयो आरो बेयावो गाहाइ मन्थिया बे पायलटफोरजों गिबि खेब लोगो हमलायनानै बिसोरनो अखांमा दावबायारि एबा एस्ट्रनटसनि बेजखौ गथायो। 2018 आव मिशन गगन यानखौ फोसावनायनि

आवग्रिनो हायो। बेनि उनाव 2020 नि जागायनायाव बे सा 12 पायलटफोरनि गेजेराव जोबथा खेब साब्रैखौ सायख'नाय जायो। जायफोरखौ एस्ट्रनटसनि ट्रेनिनि थाखाय रासियाआव दैथाइहरदोंमोन। आथिखालाव करनानि जाहोनाव बिसोरनि ट्रेनिआव गोबाव जादों। बेजों लोगोसे 2021 आव रासियाआव बिसोरनि ट्रेनिआ आबु जायो। बेनि उनाव हादतनि आम्डस फर्सेजजों लोगोसे इसर'नि आलादा आलादा जायगाफोरव बिसोरनि पेजिकेल आरो टेक्नेकेल ट्रेनिआ सोलिबाय थायो। इसर'आ बेंगालुरुआव हिउमेन स्पेस प्लाइट सेन्टरबो बानायदों, जेराव एस्ट्रनटस ट्रेनि फेसिलिटियाव पायलटफोरा स्पेसियेल ट्रेनिखौ लागसिनो दड।

उज्बेकिस्तानआव बिष गोनां कप सिराप लौनानै थैनायनि सायाव सा 23 सुबुंफोरनो जेल साजा होबाय

ताशकन्द, 27 फेब्रुवारी : उज्बेकिस्ताननि सुप्रिम कर्टआ 6 दाननि गोलाव हियारिनि उनाव भारतनि मेरियान बायटेकनि गेजेरजों बानायनाय बिष गोनां कप सिरापजों सोमोन्दो लाखिनानै सा 68 गथ'फोर थैनाय केसआव थांनाय समबारखालि सा 23 सुबुंफोरखौ जेलनि साजा खोनासंहोयो। बेयाव भारतयारि नोगोरारि सिंह राघबेन्द्र प्रतापखौ बयनिखुइ गोलावसिन 20 बोसोरनि साजा खोनासंहोयो। गेजेर एसिया हादतआ सिगाडाव मुलिफोरजों सोमोन्दो लाखिनानै सा 65 सुबुंफोर थैनायनि खौरां होदोंमोन। नाथाय थांनाय



दानआव ताशकन्द सहरनि बिजिरसालियाव बिमा-बिफाफोरा थैनायफोरनि अन्जिमाखौ आपडेट खालामना बुडोदि, हियारिनि समाव आरोबाव सानै सुबुंफोरनि सायाव दाय जाबसिन्दों। सासे भारतयारि नोगोरारिजों लोगोसे दायनिगिरिफोरखौ 2-20

उज्बेकिस्तानआव भारतनि मेरियान बायटेकनि गेजेरजों दिहुनाय मुलिफोरखौ फानग्रा कम्पनी क्युमेक्स मेडिकेलनि बिथोनगिरिमोन। कर्टआ गावनि थांखियाव बुंवावदोंदि, सिराप लौनानै थैनाय सा 68 गथ'फोरनि मादाव साफ्रोमनि नख'रनो 80,000 डलारनि अन्सुंथाइ होनाय जायो। लोगोसे बेंगुग जानाय साब्रै गुबुन गथ'फोरनोबो अन्सुंथाइ होनाय जागोन। मुलिजों गोहोम गोलेनायाव सा 8 गथ'फोरनि बिमाफोरनोबो 16,000 निखुइ 40,000 डलारनि अन्सुंथाइ होनो बिथोन हदों। बेरा फरसे सा 7 दायनिगिरिफोरनिफ्राय जुरिमाबा लानाय जागोन।

म्यान्मारनि लाइमोनफोरा रौनिया खुंथायनि हाबारवौ लानानै गिरवांदों

गोदान दिल्ली, 27 फेब्रुवारी : म्यान्मारनि नख'र दावहायाव राइजो-राजाफोरा दुखु मोनदों। बेयाव सुबुं दैदेनिगिरि आं सान सु कीआ जोबथे सानिनि साजा होजागासिनो दं। रौनिया खुंथाइया थानो हागौब्लाबो बिसोरनि गादबनायनि उनावबो जेनेरेल मिन आं हवाइनि आखाइनिफ्राय गोहोनि ह्यथानाया लासै जालागासिनो दं। म्यान्मारआ फेब्रुवारी 2021 माइथायाव रौनिया बिग्रायखांनयनि उनिफ्राय नख'र दावहायाव दं। अक्ट'बर 2023 माइथायाव मोनथाम हाथियार दैग्रा हान्जाफोरा जुन्टानि बेरेखायै अपारेशन 1027 जागायदों, जायनि



थांखिया जुन्टाखौ खुंथायनिफ्राय बोखानायमोन। बे अपारेसननि जोहें बिग्रायारिफोरा जुन्टानिफ्राय गोबां गोनांथार जायगाफोरखौ लाना थांदोंमोन आरो जुन्टयाबो रौनियाफोरनि आंखालजों

मोगा-मोगि जानांदों। बेबादि थासारियाव म्यान्मारनि रौनिया आफाद जुन्टया मोनसे गोदान आदब बाहायदों। खौरांनि बायदिल्ला, सरकारा आजिरा मोन्नाय रौनियाफोरखौ रौनिया हान्जायाव थिसनफिन्नाय आरो

लाइमोनफोरनि थाखाय रौनिया सिबिथाइखौ गोनांथार खालामना बे फारागथिखौ सुफुंनो नाजागासिनो दं। जुन्टानि बेबादि नाजानायखौ नोजोर होनानै म्यान्मारनि लाइमोनफोरा हादर नागारनो नाजागासिनो दं। खौरां बिजोनि रिपर्टफोरनि बायदिल्ला, म्यान्मारआव पासपर्ट मावख'नि बायजोआव ओरैबादि होंगो-दोंगो जादोंदि, खारखुमानायाव सानै सुबुंनि जिउ ख'हा जादों। राजथान्दै थाग्रा खुलिफोरनि बायजोआव लाइमोनफोरनि गोलाव सारि नुनो मोन्नाय जादों। बेफोर गासैबो रौनिया हान्जायाव थिसनथारनांगौ फोसावनायनि उनाव जागासिनो दं। म्यान्मारनि लाइमोन जुन्टया रौनिया हान्जायाव हाबनो गोसो गैथेखौ नुनो मोनो।

14 बोसोराव ग्रेन्ड मास्टर जानाय यिफाननि जिउ जारिमिनआ थुलुंगा गोनां

बेइजिं, 27 फेब्रुवारी: 27 फेब्रुवारीआव जोनोम मोन्नाय हौ यिफानआ 1994 आव जोनोम मोन्दोंमोन। बिथानि बिमा वां कियानआ सासे नार्समोन आरो बिफा हौ जुजियानआ सिन्हुआआव सासे मेजिस्ट्रेटमोन। 3 बोसोर बैसोआववो चेस गेलेंनायखौ जागायनाय यिफानआ माखासे सप्ताहफोरनि गेजेराववो

बिफा आरो बिबैखौ फेजेनो ह्यमदोंमोन। 5 बोसोरनि उनाव बिथाडा टुर्नामेन्ट गेलेंनो जागायदोंमोन आरो 2003 आव चीननि आइजो आरो हौवाफोरनि हान्जानि कच ग्रेन्ड मास्टर यि जिआं चुआनजों मेच गेलेंदोंमोन। बे बोसोराववो बिथाडा 16 बोसोर बैसो सिंनि वल्ड इयुथ सेम्पियनसिपआव गिबि मासि मोन्दोंमोन। 12



बोसोर बैसोआव बिथाडा आइजोफोरनि वल्ड सेम्पियनसिप आरो चेस अलिम्पियाडआव बाहागो लानाय बयनिखुइबो उन्दैसिन गेलेगिरि जादोंमोन। बिथाडा जानुवारि 2007 आव आइजो ग्रेन्ड मास्टरनि बिम् देरहादोंमोन। 2008 आव बिथाडा 14 बोसोर 6 दान 16 साननि गेजेराव ग्रेन्ड मास्टर जानानै

गेदेमा गेलेगिरि जुडिथ पलगारनि रेकर्डखौ सिफायदोंमोन। 2010 आव यिफानआ तुर्कीआव आइजोफोरनि वल्ड सेम्पियनसिपखौ देरहानाय समाव 16 बोसोर जाबायमोन। बे बोसोराव बिम् देरहानायजोंनो बिथाडा वल्ड सेम्पियनसिपखौ देरहानाय उन्दैसिन गेलेगिरि जानो हादोंमोन।

गोदान दिल्ली, 27 फेब्रुवारी : हादतआव साखा खबनै एलेक्ट्रिक गारि बायनाया आथिखालाव गोरलैसिन जाना फेबाय। माखासे एलेक्ट्रि साखा खबनै गारि बानायग्रा कम्पनीफोरा 2-3 दानफोरनि गेजेराव गावसोरनि गाहाइ मडेलफोरनि बेसेनफोरव 20-25 रोजा रं (25 जौखोन्दो) सिम खमायना होदों। बिसोर एन्ट्रि लेबेल मडेलफोरनि बेसेनफोरव एबारेसयै 15-17 जौन्दोसिम दावखलायहोदो। बेसेन दावखलायनायनि गाहाइ जाहोना साखा-खबनै इभिखौ बांसिनै आपडेल खालामनानै बेनि बेसेन नायनानै बांहोनाय हादतआव सिगांनिफ्राय थाखानाय पेटल साखा खबनै गारि बानायग्राफोरा इलेक्ट्रि मेनुफेक्चारिआव माखासे नेम-खांथिखौ आजावना लादों। बेजों बे सेक्टरआव जौगाखानाय बांगसिनो गड। मेनुफेक्चार

रेसलिंग फेडरेशन आ अलिम्पिक क्वालिफायर ट्रायलनि शाखाय बजरं, भिनेश आरो साक्षिखौ हांखायदों

गोदान दिल्ली, 27 फेब्रुवारी: भारतीय रेसलिंग फेडरेशन (डब्लिउएफआइ) आ बृजभुषननि हेंथायै धर्नाआव बाहागो लानाय रेसलार बजरं पुनिया, भिनेश फगात आरो अलिम्पिक मेडेल देरहागिरि साक्षि मालिकखौ अलिम्पिक क्वालिफायर ट्रायलनि थाखाय हांखायहरदों। बिसोरो गेलेनायनफ्राय आजिरा लानो गोसो जानायखौ सिगाडाव फोरमायदोंमोन। किर्गिस्तानआव पेरिस अलिम्पिक क्वालिफायरजों लोगोसे एसियानि टप-2 टूर्नामेन्टफोरनि थाखाय मार्च दानआव खुंजानो गोनां हायुडरि ट्रायलनि थाखाय फेडरेशनआ हांखायदों। बेनि सिगां वर्ल्ड रेसलिंग जौसिन आफाद इनाइटेड वर्ल्ड रेसलिंग डब्लिउएफआइनफ्राय बेन खालामनायखौ बोखारदोंमोन अब्ला इडब्लिउडब्लिउआबो हायुडरि आफादिन बारग' आफादिगिरि बृजभुषन चरन सिंहनि हेंथायै



बेरेखा दिन्थिफुनाय रेसलारफोरनि हेंथायै नासयजाथाव नोजोरखौ नाजानो नाड होनानै म नोने रादाय होदोंमोन। डब्लिउएफआइआ फेगौ 10 आरो 11 मार्चआव जानो गोनां ट्रायलनि थाखाय 65 कि:ग्रा: प्रीस्टाइल केटेगरिनि बजरं, 55 कि:ग्रा: केटेगरिनि भिनेश आरो 65 कि:ग्रा: लिरथायारि केटेगरिनि साक्षिखौ ट्रायलनि थाखाय हांखायदों। सन्जय सिंहआ फेडरेशननि आफादिगिरि सायख' जानायनि उनाव साक्षिआ गावनि आजिरा लानायखौ फोसावदोंमोन।

बिथांजोआ 2016 नि अलिम्पिकआव ब्रन्ज मेडेल देरहादोंमोन। सन्जय सिंहआ रेसलिंग फेडरेशन अफ इन्डियानि गासैंबो गनायजाथाव इडनिटफोरखौ मिथिनो लुबैनायनि सायाव बाथ्रा फोरमायनानै टूर्नामेन्टनि थाखाय हान्जाफोरखौ सायख'नो थाखाय फेगौ 10 आरो 11 मार्चआव के डि यादव रेसलिंग इन्डर स्टाडियम आइजि स्पर्टस कमप्लेक्सआव ट्रायल खुंफुनाय जागोनखौ फोरमायो। बेनि उनाव बिथाड ट्रायलजों 11-16 एप्रिलनि गेजेराव

किर्गिस्ताननि बिश्केकआव सिनियर एसियान रेसलिंग सेम्पियनसिप आरो 19-21 एप्रिलनि गेजेराव बे थावनिआवनो खुंजानो गोनां एसियान अलिम्पिक क्वालिफायर टूर्नामेन्टनि थाखाय हान्जाफोरखौ सायख'नो थाखाय थियारि जानायखौ फोरमायो। बेनि सिगां इनाइटेड वर्ल्ड रेसलिंग आ रेसलिंग फेडरेशननि सायाव हरखाबै बेन फोसावदोंमोन। नाथाय बेनिफ्राय थाबैनो गोहोमखौ बोखारनानै लाफिनदोंमोन। फेडरेशननि सायाव इनाइटेड वर्ल्ड रेसलिंग आ थि समाव बिसायख'थि खुंफु'नायाव फेलेम जानायनि थाखाय थानाय बोसोरनि आगस्ट दानआव बेन खालामदोंमोन।

हाइद्राबाद, 27 फेब्रुवारी: खेबथाम सेम्पियन जाखानाय पाटना पाइरेट्स हान्जाया प्र: काबाड्डि लीगनि 10 थि सिजननि सेमिफाइनलाव सौहैबाय। पाटनानि हान्जाया जिएमसि बालायगी स्पर्टस कमप्लेक्सआव गेलेनाय एलिमिनेटर 1 नि बादायनायाव डाबां दिल्लीखौ 37-35 स्करआव फेजेनो। सेमिफाइनलाव बे खेबआव पाटनानि हान्जाया गाबोन 28 फेब्रुवारिखालि पुनेरि पुल्टननि सेलेन्जआव ऑखारगोन। डाबां दिल्लीनि के प्तेन आसु मालिकआ बयनिखुइ बांसिन 19 पइन्ट आर्जिदों। पाटनानि थाखाय सचिनआ 9, मन्जित आरो सुधाकरआ 5-5 पइन्ट लानायनि अनगायै सन्दिप कुमारआबो 5 पइन्ट लानो हादों। खेबथाम सेम्पियन जाखानाय पाटनानि हान्जाया जागायजेन्नायनफ्राय मोजाडै दिन्थिफुदों आरो गिबिरेडआवनो सचिन तनवारनि सुपार रेडआव गिबि 5 मिनिटनि बादायनायाव बे हान्जाया सिजन 8 नि सेम्पियन दिल्लीनि हेंथायाव 4-4 स्करआव समान जाफिदों। दिल्लीनि 1 पइन्ट



आवगायनायनि उनाव पाटनाआबो गोब्राब नाजानायजों 1 पइन्ट आर्जिफिदों। बादायनायाव स्करआ 8-5 सिम आवगायनायनि उनाव पाटनाआ फिन सचिननि सुपार रेडनि मददजों डाबां दिल्लीखौ अलआउट खालामनानै गिबि 10 मिनिटनि बादायनायाव 12-5 स्करआव आवगायदों। मोननै टीमनि गेजेराव जोबथा 10 मिनिटनि सेलेन्जआ थारैनो गोसोखांथावना जादों। जेराव बै समाव दिल्लीनि हान्जाया 2 पइन्टआव आवगायना दडमोन। नाथाय बे समावबो पाटनानि हान्जाया गोब्राब आवगायफिन्नो नाजानायखौ नागासखेमोन। नैथि हाफआव दिल्लीनि डिफेन्सआ गोखोडै होबथादोंमोन। जायनि जाउनाव हान्जाया 35 थि

मिनिटसिमआव 28-26 स्करआव आवगायदोंमोन। 26 मिनिटनि उनाव सन्दिप कुमारआ 2 पइन्टनि सुपार रेड खालामनायजों पाटनानि हान्जाया आवगायफिदों। बेबादि थासारिआव दिल्लीनि हान्जायाबो गोब्राब नाजानायजों पइन्ट आर्जिनानै 31-29 आव आवगायफिदोंमोन। मेच जोबनायनि 2 मिनिट सिगां दिल्लीआ फिन सचिननि सुपार टेकल स्करजों 33-30 स्करआव सौहैदों। नाथाय पाटनाया लांथ्रियै 2 पइन्ट आवगिफिन्नानै 32-32 स्करआव लाबोफिदों। नाथाय डाबां दिल्लीआ फिन अलआउट जानाययाव पाटनाआ 35-33 स्करआव आवगायफिनो। लोगोसे बे देरहानायजोंनो

सेमिफाइनलाव सौहैयो। गुबुन फार्से हारियाना स्टीलार्सआ मिर्जिथि बादिथै दिन्थिफुनायजों गिबि खेब सेमिफाइनलाव सौहैयो। हारियानानि हान्जाया गासि बभलीआव गेलेनाय एलिमिनेटर 2 नि बादायनायाव गुजराट जइन्सखौ 42-25 स्करआव फेजेनो। बे खेबआव हारियानानि हान्जाया 28 फेब्रुवारिखालि सोलिफु सेम्पियन जयपुर पिंक पेन्टार्सनि सेलेन्जआव ऑखारगोन। हारियानानि थाखाय भिनयआ बे समाव 12 पइन्ट लादों। बिथांदों लोगोसे महित नान्दलआ 7 आरो सिभम पटोरआ 8 पइन्ट लानो हादों। गुजराटनि थाखाय बे समाव परतिक दहियाआ 5 आरो रकेसआ 5 पइन्ट लानो हादों।

लियनेल मेसिआ लरियासनि साबसिन फुटबलारनि थाखाय नमिनेट खालाम जादों



व्युन्सआयार, 27 फेब्रुवारी: सुपारस्टर फुटबलार आरो फिफा वर्ल्ड काप 2022 आव बिमुं देरहानाय आर्जेन्टिनानि केपेन लियनेल मेसिआ फिन खेबसेबाव लरियासनि बोसोरनि साबसिन हौवा गेलेगिरि बान्थानि थाखाय मुं सायख'जादों। आर्जेन्टिनानि केपेन मेसिआ वर्ल्ड काप 2022 आव बिमुं देरहानाय महरै 2023 आव गावनि रेकर्ड 8 थि बेलन-डिअर बिमुं देरहादोंमोन। मेसिआ मेजर लीग चकार टीम इन्टर मियामीखौ लीग कापआव रेकर्ड 44 थि बिमुं देरहानायवा गाहाड बिफाव लादोंमोन। खेब 25 थि लरियास वर्ल्ड स्पर्टस

बान्थाखौ फेगौ 22 एप्रिलआव होनाय जागोन। मेसिआ मन्चेस्टर सिटीनि स्ट्राइकर एर्लिं हालेन (नर्वे), टेनिस सुपार स्टा रनभाक जकभिच (साबिया), वर्ल्ड रेकर्ड हल्डार पल्ड भल्टार मन्ड डुप्लान्टिस (सुइडेन), वर्ल्ड सेम्पियन रनार नुह लाइल्स (इउएसए) आरो पर्मुला 1 स्टा मेक्स भर्स्टपेन (नेडारलेण्ड) जों बे बान्थानि थाखाय सेलेन्जआव ऑखारगोन। बोसोरनि साबसिन आइजो गेलेगिरि बान्थानि थाखाय मुं सायख'नायफोरनि गेजेराव सा 3 आ थानाय बोसोराव बुडापेस्टआव जालानाय वर्ल्ड एथलेटिक्स

सेम्पियनसिपआव मोजाडै दिन्थिफुनायमोन। केनियानि फेथ क्रिप्येगनआ 1500 मिटर आरो 5 रोजा मिटरनि जावजा बिमुं देरहानाय गिबिसिन आइजो जानो हादोंमोन। आमेरिकानि शेकरि रिचार्डसनआ गावनि गिबि मुलुगनां फाइनलाव 100 मिटरनि बिमुं देरहादोंमोन आरो 4x400 मिटरआवबो सनानि मेडेल देरहादोंमोन। सेरिका जेक्सननि 100 मिटरआव 21.41 सेकेन्ड समजों देरहानाय सोलिफु समसिमनि नैथि बयनिखुइ गोखेसिन दिन्थिफुनाय सम जानानै दड। पलिसनि टेनिस गेलेगिरि इगा स्विथातेग, स्पेनिस फुटबलार, अताना बनमाति आरो जुथाय राइज्यो आमेरिका अल्फाइन स्कियार मिकाएला शिफफिनरखौबो मुं फारिलाडआव थिसन्दों। स्टा आमेरिकानि जिमनास्ट सिमन बाइल्सआ सा 6 साबसिन इमार्जि एथलीटफोरनि गेजेराव जायगा मोन्दों।

मुंदांरवा फुटबलार रनाल्डआ गाजि आरवु दिन्थिनायनि थाखाय मारवासे मेचनि थाखाय बेन खालाम जानो हासिगो

लिस्बन, 27 फेब्रुवारी: क्रिस्टियान रनाल्डआ गावनि दिन्थिफु'नायनि थाखाय जेब्लायबो खौरांफोराव जायगा आवगियो। नाथाय बे खेबआव बिथाड मोजां दिन्थिफुनायनि सोलायै गाजि आखु दिन्थिनायनि थाखाय सोंखारिजानो हामदों। पर्तुगालनि सुपार स्टा फुटबलार रनाल्डनि मोनसे भिडिअआ ससेल मिडियाआव भाइरेल जागासिनो दड। जेराव बिथांखौ फेन्सफोरनि फार्से गाजि आखु एबा फाव खालामहरनाय नुनो मोन्दों। जायनि जाउनाव रनाल्डआ माखासे मेचनि थाखाय बेन खालामजानो हागौ। जायनि फिथाइ महरै अलनासेरनि थाखाय गेलेनाय एएफसि सेम्पियनसिपनि क्वार्टर फाइनल मेचनिफ्राय बिथाड



जानगारनांनो हागौ। क्रिस्टियान रनाल्डनि गल सोनायनि मददजोंनो रबिबाराखालि फिन खेबसेबाव अल नासेरआव मेचआव अल शबाबखौ 3-2 गलआव फेजेनदों। बे मेचआव अल नासेरनि हान्जाखौ जेन्नो हासिगौनि सन्देह लादोंमोन। नाथाय नासेरनि हान्जाया जोबथा समर्थि मेच जोबनायनि 4 मिनिट सिगां गल सोनानै देरहादों। बे मेचआव गोखों सेलेन्जनि जाउनाव फेन्सफोरा

गोबां रंजानाय मोन्दोंमोन। नाथाय रनाल्डनि गाजि इसारनि जाउनाव मेचनि आबहावाआ गुबुले जादों। पर्तुगालनि सुपार स्टा रनाल्डआ बे आखुनि थाखायनो गोबां सोंखारिजादों। गाजि इसारखौ बिथाड अल शबाबनि फेन्सफोरनि सायाव खालामहरदों। रनाल्डआ बेबादि आखुखौ एरैबादि समाव खालामहरदों जेराव शबाबनि मददगिरिफोरा बेरेखा बादायारि लियनेल मेसिनि मुंजों गोबां

हस्त्रिखावनो हामदोंमोन। बेबादि गाजि इसारनि जाउनावनो रनाल्डआ दायो जेनायाव गोलेदों। सौदि एफएनि आफादआ रनाल्डनि बे आखुनि सायाव नायबिजिनरायखौ जागायजेनबाय। रिपर्टनि बादिब्ला, बेबादि आखुनि जाउनाव रनाल्डनि सायाव बेन फोसावनो हागौ। सौदि एफएआ बेनि थाखाय रनाल्डनि सायाव खेबनै मेचनि बेन फोसावनायजों लोगोसे जुरिमाना फोनांनो हागौ। नाथाय मावख'यारि महरै बिथांनि सायाव दासिमबो

मोनबो फोसावलाइ होयाखै। अब्लाबो बेन खालामजायोब्ला बिथाड अलहजमनि हेंथायै लीग मेच आरो अल-एननि हेंथायै अल नासेरनि जानानै एएफसि सेम्पियन्स लीगनि क्वार्टर फाइनलाव गेलेनो मोननाय नड। नाथाय नासेरनि हास्थायगिरिफोरा रनाल्डनि सायाव गोबां मेचनि थाखाय बेन खालामनायखौ लुबैयाखै। मानोना बेबादि जायोब्ला गावसोरनि हान्जानि बिमुं देरहानाय खैफोदआव गोलेगोन।

भारतनि बेडमिन्टन गेलेगिरि रक्षाआ बिमुं देरहादों



गोदान दिल्ली, 27 फेब्रुवारी: भारतीय शाटलर रक्षा कन्डासामीआ फाइनलआव हादरनिनो गेलेगिरि अनन्या आगरवालखौ 21-14, 21-12 स्करजों फेजेनानै इटालीयान जुनियर सिंगेल्सनि बादायलायनायखौ देरहादों। बे समाव बिथाड जोबनायसिमआव गावनि मोजां फर्मखौ लांथ्रियै लाखिदों। थानाय 21-25 फेब्रुवारिनि गेजेराव इटालीनि मिलनआव जालानाय बे बादायनायाव बिथाड डिफेन्सआव मोजाडै दिन्थिफुदोंमोन आरो सा 64 गेलेगिरिफोरनि इआव खेबसेबो गेम मेचआव जेनालासे बिमुं देरहादों। सेमिफाइनलाव रक्षाआ गावनि हादरनि बादायारि प्रकृति भरतखौ फार्सेथिडै 21-10, 21-8 स्करआव फेजेनो हादों। आरो क्वार्टर फाइनलाव स्लभानियानि अन्या ब्लेडजिनाखौ 21-9, 21-14 स्करआव फेजेनदोंमोन। थानाय बोसोराव अल इलेण्ड जुनियर अपेन सेम्पियनसिपआव रुफानि मेडेल देरहानाय रक्षाआ गावनि देरहानायखौ गोजोनरुफानायनाय फोरमायदों। लोगोसे बे देरहानायनफ्राय गावनि थुलुंगा मोननायखौ फोरमायनानै थानाय दानफोराव गावनि साबसिनै दिन्थिफुनो हानायखौ गोजोननाय फोरमायदों। सिगां फार्से बिथाड बे दिन्थिफुनायनफ्राय गावनि थुलुंगानाय फेनायखौ फोरमायनानै सोलिफु बोसोराव इउरपआव जानो गोनां माखासे टूर्नामेन्टफोरनि थाखाय गावनि थियारिथिखौ फोरमायो। मुम्बाइनि 17 बोसोर बैसोनि गेलेगिरि रक्षाआ आथिखालाव 11 थाखोआव फरायो। बिथाड वर्ल्ड जुनियर्सआव जायगा मोनयानि थिंखिजों माखासे टूर्नामेन्टफोरनि थाखाय इउरपआव थागोन।

रहित शर्माआ वर्ल्ड टेस्ट सेम्पियनसिपआव नम्बर 1 अपेनार जानो हादों



गोदान दिल्ली, 27 फेब्रुवारी: केपेन रहित शर्माआ मोनसे जर'खा फारिलाडआव मुलुगानि गासैंबो अपेनारफोरखौ उनाव लाखिदों। वर्ल्ड टेस्ट सेम्पियनसिपआ 2019 आव जागायदोंमोन। बे सेम्पियनसिपनि थामथि सिजनआ सोलिफु समाव जागासिनो दड। जेराव रहित शर्माआ मोनसे जुनिय रेकर्ड थिसन्दों। बिथाड बे सेम्पियनसिपनि जांरिमनआव बयनिखुइ बांसिन रान लानाय गेलेगिरि जाबाय। रहितआ वर्ल्ड टेस्ट सेम्पियनसिपआव अपेनार महरै खेब 31 मेच गेलेखांबाय। जायनि गेजेराव बिथाड 48.98

जौखोन्दोजों 2449 रान लादों। बे फारिलाडआव रहितआ डेभिड वार्नरखौ उनाव लाखिबाय। वार्नरआ डब्लिउटिसिआव अपेनार महरै 2423 रान लानायजों नैथि फारिआव आरो उम्मान क्वाजाआ 2238 रानजों थामथि नम्बरआव जायगा मोनो। रहितआ रान्सि टेस्ट मेचनि नैथि इन्सिआव मोजाडै बेदिं खालामदों। बे मेचआव इलेण्डनि हान्जाया भारतखौ देरहानो थाखाय 192 राननि टार्गेट होदोंमोन। भारतीय हान्जाया त्रैथि इन्सिआव बे थिंखिसिम सौहैनो थाखाय मोजाडै दिन्थिफुनांनि गोनान्थियाव फेदोंमोन। बे समावने केपेन रहितआ 81 बलनि गेजेराव खेब 5 ब्रै रान आरो खेबसे 6 राननि मददजों 55 रानआव हान्जाखौ देरहाहोदों। मोनसे जर'खा बाथ्राया बे नोदि, रहितआ सासे केपेन महरै टेस्टनि गिबि इन्सिआव हाफ सेन्सुरिनि बांसिन रान लादों।

अमेन प्रिमियार लीग 2024 नि समाव सासे गेलेगिरिआ जुरिमाना फोनांजादों



गोदान दिल्ली, 27 फेब्रुवारी: आइजोफोरनि प्रिमियार लीग 2024 आव दासिमाव खेबब्रै मेच गेलेनाय जाबाय। सिजननि त्रैथि मेचआ दिल्ली केपिटेल्स आरो इडपि वारियर्सनि हान्जाफोरनि गेजेराव जानानै थाडो। बे मेचआव दिल्ली केपिटेल्सनि हान्जाया इडपि वारियर्सनि हान्जाखौ 9 उडकेटजों फेजेनदों। नाथाय बे समाव दिल्लीनि सासे गेलेगिरिनि हेंथायै मोनसे गोखों थिंखि लादों। बे गेलेगिरिनि सायाव डब्लिउपिएलनि कड अफ कन्डाकटखौ सिफायनायनि

जुरिमाना फोसावदों। दिल्ली केपिटेल्सनि बलार अरुन्दति गेड्डिनि सायाव बेंगलुरुनि एम सिन्नास्वामी स्टेडियमआव इडपि वारिज्मनि बेरेखायै गावनि हान्जानि मेचनि समाव डब्लिउपिएलनि आसार थाखिन्थिखौ सिफायनायनि थाखाय बिथांनि मेच फीसनि थिंखिखौ जुरिमाना फोनांदों। अरुन्दतिआ डब्लिउपिएलनि आसार खान्थिनि दफा 2.5 नि सिडाव खोन्दो 1 नि दायखौ नाजवदों। जेराव बे नेमखान्थिया मेचनि समाव राव बाहायनाय, खामानि मावनाय एबा

इसाराफोरजों सोमोन्दो गोनां। अरुन्दतिआ बे मेचआव खेबथाम अभा र खुबैदों। बे समाव बिथाड 5.33 नि इकनमीजों रान होनानै 1 उडकेट लादों। बे समाव अरुन्दतिआ पुनम के मनारनि उडकेट लादोंमोन। बे उडकेटनि उनावसो अरुन्दतिआ डब्लिउपिएलनि कड अफ कन्डाकखौ सिफायदों। बे मेचआव दिल्लीनि हान्जाया टसआव देरहानानै बलिं खालामजेन्नो थिंरंथा लादोंमोन। इडपि वारियर्सआ गिबि बेदिंआव 20 अभाआव 119 रान लादोंमोन। 120 राननि टार्गेटआव दिल्लीनि हान्जाया 1 उडकेट खोमानानै टार्गेटआव सौहैदों। जेराव हान्जानि जानानै शेफालि भर्माआ 43 बलआव 64 रान लादों। बे समाव बिथाड खेब 6 ब्रै रान आरो खेबब्रै 6 रान लादों। केपेन मेग लेनिंआ 51 रान लादों।